

杜松

隄念遂

李希泌

趙夢麟

王宣

李國棟

杜松南直

隸崑山人幼有膽智勇健絕倫累功至總兵官神宗四十七年四路出師撫順地最衝要松率兵突趨薩爾濟谷口時清兵方築城界藩防衛夫役兵僅四百人聞松至選精騎伏谷口俟松軍過半尾擊至界藩渡口與築城夫役合據界藩山之吉林崖松結營薩爾濟山而自引軍圍吉林崖清兵以右二旗左四旗兵先攻薩爾濟山破之復以右二旗兵與助夫役之兵渡河夾擊松軍殲焉松戰歿於陣同時死者總兵官趙夢麟王宣又游擊龔念遂李希泌隨松等遇清兵於幹埽鄂謨地力戰俱歿乾隆四十一年賜杜松龔念遂李希泌諡忠烈趙夢麟王宣諡烈愍李國棟從戰歿於渾河事聞贈都督僉事

盛京通志名宦四

馬林

馬燃

于化龍

高貞

于守志

何懋官

張奇策

林直

隸蔚州人官遼東總兵都督僉事神宗四十七年遇清兵於尙間崖戰敗還守開原城破死之子燃亦戰歿同時遼東副總兵于化龍參將高貞遊擊于守志守備何懋官經歷張奇策俱從林守開原死之乾隆四十一年賜馬林諡忠烈于化龍等俱諡烈愍張奇策入祀忠節祠

盛京通志名宦四

李懷信

大同人由世蔭歷甘肅總兵官邊人恃以無恐延人為

立生祠萬曆四十七年遼東急詔充援剿總兵官偕柴國柱賀

世賢以四萬人守瀋陽煖圖超哈

見前

謀入犯熊廷弼急移懷信

戍首山寇不敢深入俄汎懿有警復檄懷信禦卻之

明史二百三十九

劉英

崇明人性孝友簡靜寡言不事矯飾萬曆時由寧遠衛指

揮使累功陞都指揮使管遼東都司事歷任既久廉能益著後
以年老休致遼人攀轅留之全遼志 宦業

鄧祖禹 蘄水人萬曆時為瀋陽衛守備清兵至祖禹入陣多格

殺中矢墜地將死夜半乃甦呼城入負矢如蝟遂告歸後殉節

湖廣

花獻宸 懷遠人都督雲之後雲子煒為水軍衛指揮僉事其五

世孫某世襲遼東復州衛指揮遂占籍焉傳至獻宸襲世職萬

曆四十七年遼陽之役獻宸助兵一百二十名豆百石車六輛

復州城有花雲廟今已圯復縣志

王炫 萬曆時為山東布政使司左參政分守遼陽東寧道除奸

革弊境內肅然全遼志

王樸 沁州歲貢孝友持躬著書立節萬曆時官遼東都司教授

士人化之全遼志

王嘉賓 高滄 劉明 嘉賓泰安人萬曆時任廣寧衛教授捐俸

修學宮獎進士類高滄膠州人亦廣寧衛教授嚴學規端師範

恆捐俸濟貧劉明山東人萬曆時任金州衛訓導與議海運

單崇 高密人萬曆末以戶部郎中督餉遼東奉命戴星赴道兼

程而至稍緩一日則兵變莫測經略熊廷弼甚倚重之後歸殉

甲申之難

秦良玉 秦邦屏 秦民屏 秦翼明 秦邦翰 冉見龍 良玉

忠州人嫁石砭宣撫使饒膽智善騎射兼通詞翰行軍發令戎

伍肅然所部號白桿兵為遠近所憚泰昌時徵援遼東良玉遣

兄邦屏弟民屏以數千人往朝命賜良玉三品服授邦屏都司
僉書民屏守備天啓元年邦屏渡渾河戰死良玉自統精兵三
千赴之請卹邦屏贈都督僉事明七史十二邦屏子翼明官至副總

兵崇禎年以萬人護築大凌河城秦邦翰冉見龍彭卿彭應勝
彭相舟李柯並土司人援遼將官同戰歿遼志略

袁應泰 楊宗業 袁應泰字大來鳳翔人萬曆二十三年進士知

臨漳縣築隄引水溉田數萬頃治行冠兩河久之起治兵永平

遼事方棘應泰練兵繕甲修亭障飾樓櫓關外所需芻茭火藥

呼吸立應經略熊廷弼深賴焉泰昌元年九月代周永春巡撫

遼東踰月擢兵部侍郎代廷弼經略誓以身委遼精敏強毅而

短於用兵天啓元年清兵破遼陽賀世賢等皆戰死應泰居城

樓知事不濟佩劍印自縊死其僕唐世明縱火焚樓俱死明史二百

五十九又援遼總兵楊宗業提兵赴援父子俱死乾隆四十一年

賜應泰諡忠節宗業諡忠烈盛京通志名宦四

張銓 字字衡沁水人萬曆三十二年進士擢巡按時楊鎬方議

四道出兵銓馳奏言懸軍深入以短擊長以勞赴逸昔臚胸河

之戰五將不還又言宿將並起宜約束以一事權唐九節度相

州之潰可為明鑑四十八年又上言有司創議加賦竭天下以

救遼遼未必安而天下已危宜聯人心以固根本且內庭積金

如山乃發帑之請叩閣不應加派之議朝奏夕可臣殊不得其

解天啓初以御史出按遼東袁應泰納降銓力爭不聽瀋陽破

銓請令巡撫薛國用帥河西兵駐海州薊遼總督文球帥山海

兵駐廣寧疏甫上遼陽被圍軍潰應泰令銓退保河西以圖再舉銓不從堅守三日城破被執不屈遂自經乾隆四十一年賜

諡烈愍

清一統志

段展 陝西涇陽人爲自在州知州駐瀋陽天啓元年日暈異常

展牒袁應泰言天象示警應預防逾月而瀋陽破展死之乾隆

四十一年賜諡節愍

盛京通志 名宦四

薛國用 洛南人歷官山東右參政分守遼海道天啓初以右僉

都御史代袁應泰巡撫遼東應泰死廷議將起熊廷弼道遠未

至乃進國用兵部右侍郎代爲經略歷官醇謹久於遼日夜憂

戰守備竟卒於官

明史二百五十九 陝西通志萬曆戊戌進士 名碑

張神武 新建人萬歷中武舉會試第一授四川都司僉書遼左

兵興用袁應泰薦詔諭從征立功神武率親丁二百四十餘疾

馳至廣寧會遼陽已失薛國用固留之曰奉命援遼陽非守廣

寧也曰遼陽沒矣若何之曰將以殲敵曰二百人能殲敵乎曰

不能則死之前至遼河遇逃卒十餘萬神武以忠義激其帥欲

與還戰帥不從乃獨率所部渡河抵首山去遼陽十七里而軍

將士不食已一日遇清兵疾呼奮擊孤軍無援盡歿於陣監軍

御史方震孺繪神武像率將士羅拜爲文祭之詔贈都督僉事

世蔭千戶立祠祀之

明史二百七十一 乾隆四十一年賜諡烈愍 清一統志

王化貞 諸城人分守廣寧道天啓元年擢巡撫時遼陽已失化

貞招集散亡提弱卒守孤城人心稍定乃部置諸兵畫地分守

惟與熊廷弼議不合所遣都司毛文龍襲取鎮江奏捷舉朝大

喜化貞請乘機進取卒無功

明史二百五十九

孫承宗

鹿善繼

承宗高陽人天啓初爲兵部尙書列論遼事至

廣寧旣失關外五城七十二堡悉爲哈喇慎諸部所據經略王在晉總督王象乾請於關外八里築重關承宗馳至關門相度還奏築重城不如築寧遠要害與覺華島相倚角因言在晉不足任自請督師許之旣至鎮定軍制前後築城堡數十練兵十一萬造鎧仗數百萬開屯田五千頃軍政頓興以忤魏忠賢乞罷以尙書高第代之撤錦州右屯大小凌河諸城而軍益不振鹿善繼定興人承宗表爲贊畫主事倚如左右手有拓地復城

功

明史二百五十二

滿桂

蒙古人天啓初孫承宗鎮山海授副總兵領中軍與袁崇

煥築寧遠城時蒙古部落駐牧寧遠東鄙桂善操縱諸部咸服歲省撫賞銀不貲初城郭一望邱墟至是軍民五萬餘家六年清兵來攻死守解圍授總兵官挂印移鎮關門統關外四路諸軍七年清兵進薄寧遠桂與副將尤世威出城迎戰頗有殺傷桂身被重創捷聞加太子太師仍鎮寧遠後入衛近畿戰死

明史

二百七十一

趙率教

陝西人歷官參將屢著戰功天啓初請於經略王在晉

願收復前屯招流亡大興屯田孫承宗上其功擢署都督僉事仍駐前屯六年蒙古乘間入犯追擊至高臺堡授總兵官鎮山海移寧遠七年表崇煥築三城率教移鎮錦州護之解錦州圍挂平遼將軍印再移關門陣亡遵化率教爲將廉勇待士有恩

勤身奉公勞而不懈與滿桂並稱良將明史二百七十一

馬世龍 寧夏人由世職舉武會試孫承宗奇其才薦為山海總

兵天啓三年賜尚方劍承宗為築壇拜大將代行授鉞禮軍馬

錢穀盡屬之出守關外諸城四年偕巡撫喻安性及袁崇煥東

巡廣寧又與崇煥王世欽航海抵蓋套相度形勢敘勞加右都

督五年遣副將魯之甲襲耀州敗沒詔令戴罪圖功後以復灤

州遷安永平遵化四城加太子少保蔭本衛世千戶明史二百七十二

方震孺 桐城人由沙河知縣入為御史天啓初遼陽既破震孺

一日十三疏帝發帑金命犒師出關延見將士弔死扶傷軍民

大悅因請以進為守遂命巡按遼東監紀軍事按遼時居不廬

食不火者七月明年任滿候代前屯而清兵至廣寧巡撫王化

貞等均走參將祖大壽擁殘兵駐覺華島震孺航海泣請歸鎮

遂相攜以歸尋以疾罷明史二百四十八

童仲揆陳策名世周敦金袁見龍吳文傑童仲揆南京人舉

武會試萬曆末擢副總兵督川兵援遼與陳策並充援勦總兵

官熹宗初經略袁應泰招諸部處之遼瀋二城仲揆力諫不聽

天啟改元應泰欲城清河撫順議三路出師用大將十人各將

兵萬餘仲揆策當其二未行兩人馳救瀋陽次渾河遊擊周敦

吉曰事急矣直抵瀋陽與城中兵夾擊可以成功已聞瀋陽陷

諸將皆憤曰不能救瀋在此三年何為敦吉與石砮都司秦邦

屏渡河營橋北仲揆及副將戚金參將張名世統浙兵營橋南

結陣未就清兵來攻卻而復前者三諸軍遂敗敦吉邦屏及參

將吳文傑守備雷安民皆死他將一戰即走清兵盡銳攻浙營
 營中用火器多殺傷火藥盡短兵相接策先戰死仲揆與金名
 世都司袁見龍鄧起龍皆死焉自遼左用兵將士望風奔潰獨
 仲揆以萬餘人當數萬衆力屈而覆時咸壯之明史二百七十一 乾隆
 四十一年俱賜諡烈愍清一志

高邦佐顧頤 邦佐山西襄陵人天啓元年爲布政司參政分守
 廣寧知邊事不可爲乞歸方報允而王化貞棄廣寧衆謂邦佐
 既請告可入關邦佐曰吾一日未去則一日封疆臣也夜作書
 訣母策馬趨右屯謁熊廷弼言城中雖亂外間未知亟提兵入
 城斬一二人人心自定公即不行請授邦佐兵赴難廷弼不聽
 邦佐歎曰事去矣松山吾守地當死此遂西向拜闕復拜母解

印綬自經官舍僕高永曰主人死安可無從者亦自經事聞贈
 太僕卿同時顧頤以分守遼海道右參政分守遼陽城破力屈
 自經贈太僕少卿乾隆四十一年賜邦佐頤俱諡節愍盛京通志

何廷魁梁仲善 朱萬良 徐國全 廷魁威遠衛人天啓元年

以副使分巡遼陽清兵渡濠廷魁請乘半渡急擊俄薄城圍未
 合又請盡銳出擊袁應泰不從城破廷魁懷印率妾高氏金氏
 投井死婢僕從死者六人都司徐國全亦自經公署事聞贈廷
 魁大理卿諡忠節總兵官梁仲善副總兵朱萬良俱歿於陣乾
 隆四十一年賜梁仲善朱萬良諡烈愍徐國全諡節愍盛京通志

崔儒秀 朱櫻 儒秀陝西陝州人天啓元年為開原兵備僉事時

開原已失儒秀募壯士攜家辭墓而行經略袁應泰以兵馬甲

仗不足恃為憂儒秀曰恃人有必死之心耳遼陽被圍分守東

城矢集如雨不少卻會兵潰儒秀痛哭戎服北向拜自經事聞

贈大理卿賜諡忠愍 明史一百一十二 時經歷朱櫻亦殉難乾隆四十

一年賜儒秀諡節愍朱櫻入祀忠節祠 清志一

陳輔堯 夏國卿 張綱 陳柏 輔堯南直隸揚州人為永平同

知以轉餉出關駐瀋陽天啓元年瀋陽破輔堯方奉命印烙左

右以無守土責勸之去輔堯曰孰非封疆臣何為去望闕拜拔

刀自刎贈按察司僉事城破時戰死者參將夏國卿張綱瀋陽

衛同知陳柏乾隆四十一年賜堯輔諡烈愍夏國卿張綱陳柏

諡節愍 盛京通志

畢自嚴 楊呈秀 自嚴淄川人天啓元年以戶部侍郎督餉遼東

綜核樽節公私賴之楊呈秀天啓年為遼東督餉郎中

袁崇煥 字元素東莞人萬曆四十七年進士天啓初以僉事監

關外軍督修寧遠城為重鎮清兵圍攻崇煥用巨礮卻之擢右

僉都御史巡撫遼東銳志恢復修錦州中左大凌河三城清兵

攻錦州復禦卻之滿桂趙率教功為多時稱錦寧大捷魏忠賢

黨論劾乃乞休崇禎元年復起都師薊遼期五年復遼閱兵至

雙島斬總兵毛文龍定兵制合四鎮兵十五萬馬八萬歲餉四

百八十萬清兵入關崇煥引兵入護京師以受間縛下詔獄磔

於市天下冤之 明史二百五十九 題名碑作廣西梧州

沈有容 字士弘宣城人幼走馬擊劍好兵略舉萬曆七年武鄉試初從李成梁攻北關累功至登萊總兵官天啓初詔統水師抵鎮江策應廣寧既覆遼民走避諸島日望援救巡撫陶朗先乃下令敢渡一人者斬有容爭之立命數十艘往獲濟者數萬人

明史七十二

羅一貫 陳尙仁 王崇信 一貫甘州衛人以參將守西平堡遼

陽陷西平地最衝一貫悉力捍禦加副總兵時巡撫王化貞駐廣寧熊廷弼駐右屯總兵劉渠以二萬人守鎮武祁秉忠以萬人守閭陽而一貫以三千人守西平天啓二年清兵西渡河一貫憑城固拒用礮擊傷者無算清使來說降不從明日騎益衆力攻一貫流矢中日火藥矢石俱盡乃北面再拜曰臣力竭矣

遂自剄都司陳尙仁王崇信俱死之 明史二百七十一 乾隆四十一年

賜一貫諡忠烈尙仁崇信俱諡節愍 清一統志

劉渠 祁秉忠 劉徵 黑雲鶴 渠直隸保定人官鎮武總兵官

都指揮使天啓二年領兵援西平堡遇清兵於平洋橋力戰死之又閭陽總兵官西寧世襲土司祁秉忠副將劉徵參將黑雲

鶴同時殉難乾隆四十一年俱賜諡烈愍 盛京通志 名宦四

金啓侗 金寇 啟侗浙江義烏人勤敏有智略官寧遠經歷孫承

宗用爲通判核兵馬錢糧督城工理詞訟大得衆心又善造火藥最速號萬人敵天啓六年清兵攻寧遠啟侗以燃礮死乾隆四十一年賜諡節愍金寇官參將天啓六年清兵略覺華島死

之同時賜諡節愍 盛京通志

左良玉 臨清人籍隸遼陽官遼東右司都司崇禎元年寧遠兵

變坐削職回衛已而復官從游擊曹文詔入援京師論恢復四

城功俱進秩隸昌平督治侍郎侯恂麾下大凌河圍急詔昌平

軍赴援良玉以副將率兵往戰松山杏山錄功第一歷援勦總

兵官進平賊將軍封寧南伯明史二百七十三

陳新甲 長壽人崇禎初為寧前兵備僉事以才能著大凌新城

破坐削籍巡撫方日藻惜其才請留之進副使莅寧遠兵部尚

書錦州被圍久遣職方郎張若麒出關監軍松山杏山相繼失

若麒遁還言官並新甲劾之明史二百五十七

黃龍 李維鸞 項祚臨 樊化龍 張大祿 尚可義 黃龍江

西南昌人初以小校從復錦州累官參將崇禎三年從復灤州

功第一遷副總兵時登萊巡撫請龍鎮東江充總兵官龍抵皮

島部將反陷登州龍急遣將撫定諸島誅叛黨焚賊舟擊走賊

渠高成友移鎮旅順口大治兵仗賊拘龍母及妻子以脅之龍

不顧賊來攻復禦之斬賊魁十六人奪還婦女無算諸島皆賴

以安集六年清兵攻旅順龍被圍力戰不勝自刎死贈左都督

又遊擊李維鸞自焚其家屬力戰死同時戰死者項祚臨樊化

龍張大祿尚可義乾隆四十一年賜黃龍諡忠烈維鸞諡烈愍

祚臨等祀忠節祠盛京通志 名宦四

張春 張吉甫 滿庫 王之敬 張春陝西同州人萬曆庚子舉

人勵操行善談兵以山東僉事為永平燕建兵備道崇禎四年

清兵攻大凌河新城時春在永平監吳襄等軍馳救兵敗被執

令薙髮不從居古廟服故衣冠不失臣節終不食而死葬遼陽
妻翟氏先自縊死清兵攻錦州副將張吉甫滿庫王之敬戰歿
於陣乾隆四十一年賜張春諡節愍吉甫等俱諡烈愍

盛京通志名宦

彭有謨 麻城人崇禎四年為旅順神武右營參將從征孔有德

屢有戰功萊州被圍突圍樹幟投間出奇功推第一

楊繩武 范志完 趙光忭 繩武雲南人崇禎時總督遼東寧遠

軍事加督師出關救洪承疇於松山范志完虞城人崇禎十二

年代繩武督師救松錦築五城又議修覺華島城為犄角勢光

忭九江人總督薊遼撤東江鎮自毛文龍據東江二十年積患

一旦而除

明史二百五十九

金國鳳 直隸宣府人素懷忠勇有捍禦才以副將守松山崇禎

十二年清兵攻松山塔山連山諸城時國鳳兵僅三千分兵悉

力拒守閱四旬圍解擢寧遠總兵官是年十月清兵復攻寧遠

國鳳憤將士恆怯率親丁數十人出據北山岡鏖戰移時矢盡

力竭與二子俱死乾隆四十一年賜諡忠烈

盛京通志名宦四

邱民仰 陝西渭南人萬曆癸卯舉人始為遼東寧前衛兵備善

理劇務崇禎十三年巡撫遼東十四年清兵圍祖大壽於錦州

民仰轉餉寧遠偕洪承疇進至松山為聲援八月五將皆潰清

兵遂進圍松山民仰誓以死守十五年二月圍急援絕城破被

執死之乾隆四十一年賜諡忠節

明史二百六十一 盛京通志

曹變蛟 山西大同人文詔從子也文詔從軍遼左積功至游擊

後入關平流賊變蛟亦隸軍中大小數十戰斬馘無算賊咸畏
 大小曹將軍變蛟歷官至援遼總兵崇禎十四年從洪承疇以
 十三萬衆救錦州時錦州圍急變蛟營松山北乳峯山列七營
 於兩山間環以長壕及戰軍潰還保松山清兵圍之明年二月
 副將夏成德爲內應松山遂破被執不屈死之乾隆四十一年

賜諡忠烈

明史二百七十一
盛京通志

蔡懋德

張斗

姚恭

王之楨

蔡懋德字維立崑山人萬曆四

十七年進士崇禎時備兵寧前旦夕訓厲將士軍政一新敘守
 城功第一張斗姚恭王之楨崇禎十四年寧前兵備道皆死節
 乾隆時並賜諡節愍

按蔡懋德由寧遠調濟南道參議陞按察使兼攝兩司三道

五篆出撫流移入總錢穀陞河南右布政士民立祠祀之後
 巡撫山西崇禎十二年李自成陷太原死之諡忠襄事載濟
 南府志及本志忠節應時盛傳

奉天通志卷一百四十
 職官二十
 宦績四
 清

奉天通志卷一百四十一

職官二十 宦績

宦績四 清

清

烏庫里

安珠瑚

沃內

嵩祝

噶爾弼

劉文亮

張尙賢

王全忠

王克寬

范時崇

王國安

徐廷璽

呂履恆

梁世勳

任宏嘉

董秉忠

穆克登

王立憲

何金序

胡藥嬰

賈宏文

俞定

辛珠

江浦

王沛恂

許志進

焦獻猷

宋一曾 何師

三泰

李溱泰

劉超凡

周志煥

李渥

楊道隆

烏爾度

楊超曾

王瀚

張士毅

何夢瑤

吳秉禮

那蘇圖

王枝培

蘇昌

宗室弘响

子永鐸

宗室永璋

茹棻

蔣良騏

鄂寶

和瑛

琳寧

王河

胡世仁

三寶

永福

諾敏

常貴

明亮

伊湯安

觀明

瑚素通阿

劉躍雲

徐如樹

岳起

王秉韜

鐵保

玉保

松筠

富俊

昇寅

陳瀛

扎郎阿

徐之寬

劉大觀

彭浚

陳廷桂

宗室奕顯

裕泰

張長泰

強上林

郎若曾

金廷掄

張長庚

李聖贊

謝元暉

董履坦

嚴正基

周良卿

汪元方

慶春

張廣

鮑師釗

劉景醇

張鼎鏞

倭仁

福興

額勒和布

銘安

任兆堅

張緒楷

李文森

金懷忠

崇光

劉汝新

海盛

同吉

高同善

文吉

福培

都興阿

崇實

崇厚

岐元

志和

姚懷德

胡喜志

穆圖善

崇綺

慶裕

富陞 王家璧 王志修 賀堦

錢開震 張錫蕃 楊桂年 許之泰

左寶貴 永山 延茂 張英麟

李培元 徐慶璋 唐敏 張雲祥

陳本植 章樾 宋慶 依克唐阿

談廣慶 袁保齡 金熙葆 陳榮昌

高暄陽 常泰 增祺 廷杰

趙爾巽 錫良 張錫鑾 吳震澤

周冕 錢能訓 趙臣翼 史念祖

錢鏐 朱克揚 張鶴齡 張元奇

吳鈞 張鳳臺 劉建封 李景祥

劉德全 潘德荃 鄭錫華 黃疏森

劉繼勳 楊澍 孫葆璋 高欽

王順存 馬俊顯 鮮俊英 李應紫

孫長青 廖彭 管鳳齋 陶鶴章

陳嘉言 陳藝 陶應潤 陳衍庶

蔣文熙 慕昌治 汝作枚 孫自鎔

戴章勳 薛德履 史紀常 都林布

陳階 劉玉林 鹿名世 陳陽春

姜有筠 潘增綬 陳宗楸 奉恩

清

烏庫禮 清史 疆臣表 姓扎庫塔滿洲鑲白旗人年十六卽効力

戎行入關破李白成屢著戰功順治十五年授盛京總管康熙元年改總管為將軍仍以烏庫禮任之疏陳所屬兵丁宜定更番直役之例以均勞逸先是盛京設戶禮工三部侍郎等官而兵民獄訟悉隸其事於總管未設刑部烏庫禮請增設下廷議始設侍郎以下等員四年卒於任居官清慎時初設將軍辦理奉天旗民事宜俱有條理旗民俱稱其名

盛京通志
名宦五

安珠瑚 姓瓜爾佳滿洲正黃旗人先世居蘇完父阿喇穆任佐領順治元年隨睿親王多爾袞入關擊李白成陣亡恩加雲騎尉世職尋命安珠瑚襲隨征湖南山東及舟山海賊屢立戰功康熙六年擢寧古塔副都統十年增設吉林烏拉副都統調安珠瑚任之十七年上諭巴海暨安珠瑚實心任事撫輯新滿洲

戶口咸令得所下部議敘旋擢盛京將軍十九年疏請裁金州巡檢改為金州營設守備千總等官以招徠民戶五百餘丁選兵百分習騎射標槍鳥槍又請於沿邊展界二十餘里設柵隘口移兵防守並下部議行二十二年以疾乞休在將軍任時繕城郭興屯田招徠遠人興利除弊皆有成效至今旗民追念舊

德感佩不已

盛京通志
名宦五

沃內 姓性佳滿洲正黃旗人順治三年隨端重親王博洛征明屢立戰功授一等輕車都尉世職康熙十二年擢盛京將軍撫兵卹民繕治城郭並奏設各城防禦在任數年訓練士卒嚴整有節制十四年察哈爾布爾尼叛命沃內同寧古塔將軍巴海

固守邊界境內宴然

盛京通志
名宦五

嵩祝 滿洲鑲藍旗人姓赫舍哩順治十八年襲騎都尉世職康熙三十三年擢內閣學士明年盛京遇旱命同侍郎珠都納往會將軍等支海運存米三萬石散給貧民以萬石平糶回奏各處田禾上下不等比年失收今雖有秋難支來歲上問貯米可支幾月奏言臣往振五十日所用不至二萬石今天津所運及錦州積貯共十二萬石可支六七月九月命同珠都納往開原等處散給兵米計口散給均沾實惠歷廣州將軍正紅旗滿洲都統四十八年署奉天將軍明年疏報錦州雙島有賊船又二百餘人樹旗二湖嘴山上城守尉馬哈達帶兵截賊歸路獲船牌刀槍等物得旨嘉獎五十年疏言金州鐵山距山東之隍城島僅半日程請令山東水師巡哨至鐵山又請練滿洲兵千名

習烏槍為火器營俱從之十月遷禮部尚書世宗時加太子太傅充實錄及玉牒總裁雍正元年賜詩有訐謨老成之句十三年卒年七十九

八旗通志 清史稿

噶爾弼 滿洲鑲紅旗人姓納喇初任前鋒參領康熙五十一年由副都統遷正紅旗護軍統領五十八年命赴四川協理年羹堯軍務疏請遣諭策凌敦多卜降以分其勢從之明年授為定西將軍雍正三年擢奉天將軍疏言奉天金銀銅鉛等礦竊掘者甚多恐其中潛藏匪類致生事端除盃犀湖等處所產鐵為居民犁具所必需無須禁止外請將遼陽屬之黃波羅峪開原屬之打金場均照錦州大悲嶺例永禁開採以靖地方如所請行又察奏庫銀虧缺三萬餘兩由康熙三十八年貝子

蘇努任將軍私令官員借放收貯接任之將軍蒙俄洛等徇隱不舉應分賠追繳敕部議行

八旗通志

劉文亮

孔允檜

徐繼焯

文亮漢軍鑲黃旗人順治十五年襲

父承義佐領仍駐錦州招民十八年設府州縣康熙元年以孔允檜知錦縣事邑人以文亮父子久莅茲土並有惠澤不忍他屬凡訟獄者猶奔控於文亮曰非劉青天不能決府尹徐繼焯以聞奉旨文亮以佐領銜兼知錦縣而調孔允檜於開原文亮莅任招民入籍爲之度邑居給牛種課勤惰而勸相之縣境多旗莊侵占民地文亮正其畛界爲民立印冊預杜侵奪故無兼併之患又設義學延師以教文風自此始振有上駟院總管因緝逃盜妄繫邊民數百人關文亮聞之兼程追及之於永平與

爭是非繫者乃歸至今父老猶能道其事

盛京通志名宦五

張尙賢 遼東人順治五年知登州府事嶽嶽剛方上官敬憚之

時多盜莅任未幾單騎攜一幼子直入其巢慰諭之並欲留子爲質賊黨感泣就撫一郡悉安懲蠹胥愛士類績著循良十一年知遼陽府事時新設有司地方遼闊多招徠流徙之民尙賢拊循有道一二年中遂致殷富後升奉天府府尹凡新設州縣皆遵尙賢教令戶口日增人民樂業去後遼人爲立祠祀之

登州

府志名宦五

王全忠 遼東人順治十年初設海城縣治時百廢待興全忠創

設衙署開拓城基並修學宮興文教敦風俗勸農桑勞來安集

厥功甚著

海城縣志名宦

王克寬 字南坡漢軍正白旗人兼通滿漢文清初授尚陽堡四品官凡以罪徙者皆隸焉克寬除科派濟貧苦流移之人咸得其所及奉天建郡縣流徙者俱赦為民克寬改授佐領尤善其職嘗命子國卿建養生堂安置孤貧施粥及棺木又僱乳媪育嬰兒受生全之惠者不可殫述盛京通志 名宦五

范時崇 劉貞 胡祚遠 陳學海 時崇字自牧漢軍鑲黃旗人忠貞公承謨子康熙二十三年任遼陽州知州寬簡愛民凡徵收錢糧並無火耗時議撥民屯田民多遷徙時崇以本境地屯種有餘請不他徙以故遼陽州民得安生業後歷陞浙閩總督有惠政五十三年陞見賜詩有棟梁祖幹家聲重蘭桂孫枝令譽清之句卒後閩人思之從祀道山忠貞公祠又劉貞胡祚遠

陳學海先後任遼陽俱有德政百姓奉牌祀本州城隍廟盛京通志

福建通志

王國安 蓋平人隸漢軍正白旗歷浙江福建總督康熙二十六年授刑部右侍郎撫浙時整飭漕務清理權稅革陋規建隄開捐金代償營債杭人德之祀名宦督閩時閩人築卻金亭以表其行二十八年管奉天府尹事三十年疏言盛京刑部理旗民交涉事件府尹向不關預似於職掌非宜查田土物產諸事原有府尹會同盛京戶部審理之例請凡旗民互控案件府尹亦會同刑部審理部議從之三十四年丁繼母憂服闋補奉天府尹四十七年遷兵部左侍郎國安以老臣信任常令越次近御榻密對或稱王侍郎而不名子以巽官至內閣學士遼海志略

志略原作王安國今依盛京通志浙江通志福建通志更正

徐廷璽 漢軍正白旗人康熙三十四年任奉天府府丞次年擢

任府尹有幹濟才抑奸暴扶善良振興禮讓旗民大和至今稱

良吏者猶不忘徐府尹云

盛京通志名官五

呂履恆 河南新安進士康熙五十年任奉天府府丞奉天兩府

科歲考例以府丞代其事履恆簡拔寒素援引後學考道論文

無倦意一時士子鼓舞奮興文風大振刻有留都文萃內多觀

風月課賞識之作至今傳頌不衰

盛京通志名官五

梁世勳 山西三原人康熙時為奉天治中時有防禦兵借住民

房之議世勳視屋大小均給之又編為保伍調置有法民賴以

安

盛京通志名官五

任宏嘉 康熙甲戌任奉天府府丞典學政生童畏試躁進者例

納金丞役藏臥榻下陰籍其名號曰宿陳丞至更衽則見宏嘉

怪詢故得其實盡令役反其金及試榜發前籍者有名或曰忘

諸乎宏嘉曰以賄售者墨必以賄黜亦私也余但衡文耳後內

陞通參聖祖嘗戲指示百官曰是蚩者乃不識錢

耆獻類徵五十九

董秉忠 奉天府尹康熙二十三年初纂盛京通志奉天府府丞

提督學政張鼎彝有序

盛京通志

穆克登 烏喇總管康熙五十一年奉旨查邊至長白山審視西

為鴨綠東為圖們遂於分水嶺上勒石為記筆帖式蘇爾昌通

官二哥朝鮮軍官李義復趙台相左使官許樑朴道常通官金

應德金慶門具名稱穆石實題名也後人誤作中韓界碑不足

據 江志 略岡

王立憲 字法之康熙丙子舉人任奉天廣寧令革總理苛派免
 三供役值水患鄰屬告饑大府檄立憲司振因條陳救災策及
 興革事宜皆中窾要廣邑故掘地為窖貯官穀派民守之壞則
 責以償立憲亟請建倉格於例不允乃以諸寺之不載祀典者
 改貯倉穀民累以除又嘗雪殺人冤獄踰日正犯自首曰不忍
 賢令君為我受劾也世祖在潛邸時奉使祭告福陵道由廣寧
 特書百里甘棠四字賜之 守令十 者獻類徵

何金序 字元玉原籍丹徒後移昌平州順治甲午副榜四年選
 授開原莅任之日城邑邱墟居民寥寥僑居石塔寺是歲九月
 奉新例招民一千四百戶改流徙入籍者五百戶時民無生計

卽捐俸米數百石分給之建先師廟及山川風雲雷雨社稷諸
 壇居恆講學勸農興工通商使四民各安其業時縣署僅茅屋
 數椽顏其堂曰澄心嘗謂凡事減一分民受一分之益不願以
 不急者擾吾民後值蒙古察哈爾叛開原素無守卒乃練勇計
 擒渠魁數十人賊遁去在官十二年愛民如子壬辰冬陞兵部
 捕司主事去任日民遮道泣留鐫遺愛碑 開原縣志

胡藥嬰 直隸贊皇人康熙三年鐵嶺初設縣治藥嬰為首任知
 縣時民戶甚少惟駐防旗籍壯丁千餘家乃廣招徠代籌生計
 始有繁盛氣象 鐵嶺縣志

賈宏文 直隸延慶人康熙十四年任鐵嶺縣事提倡文教士始
 向學又聘董國祚創修縣志卽舊志也 鐵嶺縣志

俞定 浙江山陰人康熙十五年任義州巡檢司巡檢時義州

叛王察哈爾初平甫設治城垣多未完繕逾年同城守辛珠陸

續修葺詳盛京通志保衛居民防禦盜賊邑人德之義縣志

辛珠 滿洲旗籍為義州城守尉康熙間修築城垣創立尉署

察哈爾王之叛珠馳京告變亂民平得安堵邑人至今猶稱述

之義縣志

江浦 浙江嘉興舉人康熙十五年任海城知縣建倉庫備儲

蓄又教民養蠶繅絲及種旱稻今境內山蠶之利皆浦之所貽

也海城名宦志

王沛恂 山東諸城舉人康熙四十二年任海城知縣於城內西

北隅建倉一百四十七間儲穀備荒吏胥冒徵田賦民苦之沛

恂痛除其弊緇銖不濫城北柳河子繆鴻業親歿廬墓期滿沛

恂詣廬勞之在學宮照壁題忠孝節義四大字以鴻業事注孝

字下以示風勵海城名宦志

許志進 江蘇淮安人康熙三十五年知鐵嶺縣事先是郝浴謫

戍鐵嶺講學於所居之銀岡書院僅設先師及四配十哲兩廡

諸先賢木主於堂未及議建學宮至是始建於東南隅規模備

具文教日昌鐵嶺縣志

焦獻猷 宋一驥 何師曾 獻猷康熙四十九年任鐵嶺縣事先

是郝浴以遺宅留作銀岡書院後被旗兵佔據獻猷莅任因邑

庠生徐元弼之請據理力爭請於大府時郝浴之子林為奉天

府尹輾轉數四及宋一驥繼任始克就緒將宅退出仍歸書院

迄今邑之士紳猶不忘遺澤焉何師曾通州人與焦獻猷同時

任鐵嶺縣儒學訓導重修書院

鐵嶺縣志

三泰 由太常寺讀祝官康熙四十六年任山海關監督自三十

三年設山海鈔關惟西至羅文峪東至清河門設有額稅而關

東沿海商船到口皆地方官自收私稅百般需索商賈苦之三

泰知其弊奏請開錦州牛莊蓋平中後所各海口守尉不便其

私百計阻撓三泰劾之置守尉於法由是商船踴躍貨物流通

而中後所之商業愈形發達至今猶稱頌云

綏中縣志

李溱泰 字乾堂山海關人由國史館供事銓選中後所巡檢遇

事勇為不畏強悍民得以安素有孝行當其未仕時胞叔錄貿

易奉天無子溱泰遵父命承繼而錄出四十年無耗溱泰矢志

往尋竟得遇於吉林臨邑相偕歸里云及出仕為治有聲

綏中縣志

官績

劉超凡 字濬澄直隸永平人順治戊戌進士康熙十六年授開

原知縣每逢朔望選鄉老二人各予魏相國所輯教民恆言一

冊與之講解時先師廟僅有草殿三楹督令文武生員及社學

子弟築垣建門並樹左右二坊蒞任三年務以德化民大計日

考為循良第一十九年擢御史

開原縣志

周志煥 字炳文浙江鄞縣人由拔貢授開原知縣在官五載卓

有政聲惟招農民以闢土地籍流徙以實邊陲績最著至增修

聖廟添設學官猶餘事云

開原縣志

李渥 山東壽光人由歲貢授開原知縣康熙四十九年增設先

師廟東西兩廡及櫺星門在官廉潔不染一塵後調承德縣原開

縣志

楊道隆 正藍旗人蔭生康熙三年任寧遠州事除暴安良四境

不擾政簡刑清遐邇傳頌興志 名城 官縣

烏爾度 赫舍哩氏滿洲鑲藍旗人康熙中任鳳凰城城守尉初

駐通遠堡及移守來此乃修城池闢田野移鳳凰邊門於鳳凰

山南衝要處拓地十五里移民報領釐定紅冊餘租各地畝創

建諸事著有成績鳳志 名城 官縣

楊超曾 字孟班湖南武陵人康熙五十四年進士累官侍講學

士雍正九年擢奉天府府尹疏言闔屬一切公務均有攤派陋

規已嚴飭禁止上嘉之將所奏宣示永禁遵行十一年疏言州

縣所收加一耗羨除錦縣寧遠三屬外請俱免提解留充地方

官廉俸部議如所請時內務府奏請於錦州添設莊頭百戶將

原給民種之田三十九萬畝撥給莊頭超曾疏言民間每戶不

過數十畝一經撥給失業者有萬戶之多何從安輯且時值春

耕清丈動需時日舊戶新莊均不能播種本年賦必兩懸臣已

諭民耕種勿妨農業請俟秋成時議之事竟寢乾隆元年授廣

西巡撫五年署兩江總督六年父憂歸以毀卒諡文敏先正事 略十五

王瀚 江南宜興人康熙五十八年任遼陽州知州時境內救平

諸務待舉瀚性勤敏喜獎掖士類履任卽增修學宮義館以提

倡文化士民趨之遼志 縣志

張士毅 河南祥符縣進士雍正四年任海城知縣建設監獄又

於城中厝石山南麓捐廉修文廟躬親監視文風於斯漸振每

月朔望必集諸生於明倫堂講演聖諭廣訓又密訪境內猾豪

下鄉乘其不備掩捕之置諸法

海城縣志

何夢瑤 字報之廣東南海人雍正八年進士任遼陽州知州才

具精敏剖決如流惜未久任調廣西歷官岑溪治獄明慎有神

君之稱尤富於著述旁通百家著有菊芳園詩草鈔莊子故皇

極經世易知錄廣和錄醫編紺山醫案算法迪三角輯要移橙

餘話其論詩謂青蓮獨擅千古子美未應齊名可謂風雅吏矣

遼陽縣志

吳秉禮 福建福安拔貢雍正十一年任寧遠州事興利除弊尤

以清廉自牧

興城縣志

那蘇圖 字義文戴佳氏滿洲鑲黃旗人雍正時任盛京將軍乾

隆元年再任奏准添設軍署印務處戶兵工刑四司協佐領主

事筆帖式驍騎校各員公費後歷兵刑吏各部尚書兩江兩廣

浙閩直隸河道總督所奏多見施行卒諡恪勤

清史列傳

王枝培 直隸靜海人雍正十二年任義州知州由海城調任時

義州新設治百事待舉創建州署設備各事頗稱完善在任五

年明幹勤能維持風化敦崇節孝政治聿新邑人頌之

義縣志

蘇昌 伊爾根覺羅氏滿洲正藍旗人由內閣中書考選浙江道

監察御史乾隆元年命巡察吉林奏言船廠寧古塔三姓伯都

訥河爾楚喀等處滿官不知律例訟案稽延累民請自京師遣

官往理三年轉給事中屢擢至奉天府府尹十一年奉天被水

蘇昌請設廠四鄉增辦賑官吏公費又請禁止游民往來奉天等處十四年擢廣東巡撫十六年署兩廣總督歷任吏工兩部尚書出督兩廣浙閩卒諡恪勤其督兩廣時有巨室橫斃人母誣其子獄久具勾決本已下蘇昌疑其冤親鞫之得實具疏自劾上獎諭之寅知縣於法時論稱焉清史列傳九十六

宗室弘响

子永鐸

鑲藍旗人乾隆二年由散秩大臣授侍衛歷

福州將軍三十八年六月調盛京將軍以白西虎

即本湖

山煤窰

開挖年久未能豐裕奏請於迤南之鷓子峪復州所屬之五虎

嘴

即五湖嘴

招募旗人開採照例徵稅又奏盛京工程需用銅鐵俱

動正項採買見查存貯槍礮及礮子有因潮溼鏽污不堪用者

請將此項銷化備用以省工費均得旨允行又以鳳凰岫巖二

城事務向屬旗官奏令歸岫巖通判管理興京事務歸興京通

判專辦又於大凌河馬廠西北丈得澤田一萬畝有奇奏請移

駐閒散宗室一百餘戶分為四屯給屋一千八百間地四百四

十三頃每屯駐宗室章京一員閒散三十戶建屋木料由遼陽

寧遠等處運買每戶給瓦屋三間餘蓋平棚墾田一犁三牛兵

為耕種一切需用由盛京戶部支領又每屯添設貼寫及傳事

馬甲各四名另給蕩田一頃餘地招墾奏入報聞四十四年授

綏遠將軍旋卒諡勤肅子永鐸襲爵官至盛京將軍

耆獻類二十

九

宗室永璋 鑲藍旗人乾隆十五年襲輔國公歷至黑龍江將軍

四十七年調盛京將軍奏言三陵殿內棹衣請一體改用明黃

雲緞以昭整肅又奏正紅門柵木應移入河南樹木外堆房移

於柵木外紅椿內向南展移二丈飭總管不時查看得旨嘉獎

四十八年上謁陵禮成賞銀三千兩五十二年卒諡恪勤諭曰

永瑋在將軍任內多年一切事務黽勉出力著加恩伊子綿佐

再襲奉恩輔國公一次將帥類徵

茹棻 乾隆年間由少詹簡任奉天府府丞兼學政奉天士子向

鮮舉優行棻疏請允行其後貢成均者皆彬彬有文之彥沈元撰

茹棻傳

蔣良騏 字千之全州人乾隆十六年進士官編修充國史館纂

修擢御史奏請定拔貢朝考例頗中時弊官奉天府府丞四年

又以太僕卿稽查右翼宗室學皆以勸學興行為實務克盡厥

職五十年與千叟宴錫賚蕃厚歷官三十餘年嫻於掌故與後

進語輒終日不倦著有下學錄京門草履釜紀遊諸集藏於家

探訪冊

鄂寶 謨託氏滿洲鑲黃旗人自內閣中書再遷戶部員外郎乾

隆十六年授奉天府尹二十年署廣西巡撫歷湖北貴州福建

山西諸省巡撫內遷刑部侍郎金川用兵命督饟四十一年金

川平調湖南巡撫仍留辦軍需奏銷授漕運總督四十八年授

盛京戶部侍郎兼奉天府府尹五十三年卒子文通官內閣侍

讀學士兼公中佐領清史列傳

和瑛 原名和寧避宣宗諱改字太蒼蒙古鑲黃旗人乾隆三十

六年進士由員外郎出為安徽太平知府擢廬鳳道歷按察布

政充西藏辦事大臣在藏八年著西藏賦博採地形民俗物產自爲之注嘉慶五年召爲理藩院侍郎出爲山東巡撫七年上以和瑛日事文墨廢弛政務卽解職十一年由喀什噶爾召還京爲吏部侍郎調倉場復出爲烏魯木齊都統十四年授陝甘總督遷盛京刑部侍郎復州寧海岫巖饑將軍觀明以匿災罷免授和瑛爲將軍坐失察降盛京副都統歷工部禮部兵部尙書二十三年授軍機大臣充上書房總諳達總教習道光元年卒諡簡勤和瑛嫻習掌故優於文學著書多不傳久任邊職有惠政子璧昌治回疆回部尤歸心焉清史列傳一百四十

琳寧 鑲黃旗宗室以筆帖式歷至吉林將軍乾隆五十六年調盛京將軍偕副都統靈泰等疏言奉天流寓閩人多於沿海駕

駛漁船捕魚生理其中良莠不齊恐有不肖之徒駕船入洋勾引盜匪已遵旨將流寓閩人編立甲社但沿海漁船有無篷桅及長寬大小嚮無定式嗣後請定規式漁船篷桅長不得過三丈二尺寬不得過八尺腰艙不得盡用蒙板亦不許用雙桅如此卽不能遠駛入洋從之嘉慶十年卒諡勤儉吉林通志十三

王河 奉天府府尹乾隆元年增修盛京通志四十八卷盛京通志

胡世仁 漢軍鑲藍旗人歲貢生乾隆五年調任義州知州甫經設治庶政待興九年奉諭建修學宮同學正孫龍治集士紳舉人趙好賢趙瑜武進士崔英趙頌拔貢王佐等計日興修委吏目周珍督工購料煥然一新其他振興庶務尤不勝枚舉詳縣志

三寶 永福 三寶京旗人任鐵嶺知縣永福奉天旗人任路記防

二 禦乾隆四十二年三寶承旨與永福重修鐵嶺縣城義鐵嶺縣志

諾敏 任中後所佐領有政聲與軍民接顏色和藹惟或干以私

則嚴詞拒絕紳商悅服縣志中

常貴 任中後所佐領潔己奉公每訓軍民安常守分聞有強暴

必設法除之去任日軍民送至十餘里咸泣不忍別縣志中

明亮 字綱菴正紅旗人乾隆壬午舉人四十七年授開原知縣

莅任最久善政頗多如增修先師廟等事均有碑記邊陲風氣

樸陋明亮學極博雅以振興文教為己任又徵文考獻輯成志

書論者謂之為開原啟明星開原縣志

伊湯安 字耐園滿洲人乾隆間任寧遠州知州創修州治城垣

建柳城書院置學田聘山長士林愛戴邑之文風由此大啓後

升浙江杭州府知府去任興城縣志

觀明 瓜爾佳氏滿洲鑲黃旗人乾隆三十年由佐領歷至察哈

爾都統嘉慶八年擢黑龍江將軍上以黑龍江兵丁可否添演

長槍敕議觀明請令仍習舊業諭曰所奏甚是東三省兵丁原

以獵牲為業至馬步騎射鳥槍等技本自精熟今若令與綠營

一體兼習長槍反致廢其本業將此通諭盛京吉林黑龍江將

軍等十五年調盛京將軍興京穆稜驛站被水衝淹奏請撥官

莊地挪建驛廳及馬圈並補建衆丁房間又盛京錦州等處水

災奏請借支開原旗倉米一萬二千二百石秋收還倉又奉天

復岫海寧等處災歉奏請將本年出借米石及帶徵上年緩徵

民欠緩至來秋徵收均得旨允行又奏盛京錦州牛莊等處上

年被災本年秋收暫停採買報可尋以吉林將軍賽沖阿目擊
奉天災情奏明請卹上以觀明諱災不報革職

者獻類徵將帥四十九

瑚素通阿 初名瑚圖靈阿乾隆五十二年進士由刑部員外郎
改翰林院侍講累遷左副都御史嘉慶初疏陳關稅鹽課積弊
又請卻貢獻停捐納居官有聲擢盛京刑部侍郎父宜綿遣戍
以父老請代行未允在盛京劾將軍琳寧寬縱番役及私葭官
吏分肥事侍郎寶源查辦不實寶源琳寧並黜罷後內調刑部

侍郎

清史列傳一百三

劉躍雲 字青垣江蘇武進縣人綸次子乾隆丙戌一甲三名進
士嘉慶四年任奉天府府丞兼學政試錦郡時倡修文廟自著
碑文上石清操亮節克紹家聲官至禮部侍郎父子服官七十

年無一畝之宮半頃之田

先正事略

徐如澍 字郇南貴州銅仁人乾隆四十年乙未進士授編修大
考授御史嘉慶四年奏諸王不宜總理部務召見諭以所見者
大所慮者遠十八年特旨授順天府府丞是年八月調補奉天
府府丞兼提督學政召見諭曰陪京我朝發祥之地風俗尙淳
今人文漸盛尤宜端士習以正民心二十一年上以愚民惑於
邪說敕各省學政按臨考試時就近出示曉諭俾士爲民倡以
祛邪教乃撰諭士說諭民說奉旨刊行明年授通政司副使二
十四年致仕道光十一年重宴鹿鳴加三品卿卒年八十有二
著有寶硯山房詩文集銅仁府志八卷

家傳

岳起 鄂濟氏滿洲鑲白旗人乾隆辛卯舉人議敘筆帖式辛亥

年遷奉天府府尹前官貪黷岳起至屋宇器用徧洗滌之曰勿染其汚迹踰年擢內閣學士尋出爲江西布政使殫心民事值水災勘圩隄落水致疾詔嘉其勤許其解任養疴嘉慶四年特起授山東布政使未幾擢江蘇巡撫清介自矢僮僕僅數人出屏騶從禁遊船聲伎無事不許讌賓演劇吳下奢俗爲之一變後署兩江總督八年入覲以疾留京卒贈太子少保無子詔問其家產僅屋四間田七十六畝故事旗員無嗣者產入官以岳起家清貧留贍其妻妻歿官爲管業以爲祭掃修墳之資異數也妻亦嚴正岳起爲巡撫時往籍畢沅家暮歸飲酒微醺妻正色曰畢公耽於酒色君方畏戒之不暇乃復效彼耶岳起謝之及至京居無邸舍病歿僧寺妻紡績以終吳民尤思其德呼曰

岳青天

清史列傳一百四十六

王秉韜 字含谿漢軍鑲紅旗人由舉人授陝西三原知縣累遷山西保德知州有政聲未幾擢廣西左江道仁宗親政朱珪薦之擢奉天府府尹後擢河東河道總督老於吏事性方正不沽名時疆吏中長麟汪志伊並以廉著秉韜不愜其爲人嘗曰長三汪六皆名過其實奚足貴

清史列傳一百四十七

鐵保

弟玉保

鐵保字冶亭棟鄂氏滿洲正黃旗人乾隆壬辰進

士授吏部主事大學士阿桂屢薦之疊遷禮部侍郎兼副都統嘉慶四年轉盛京兵部刑部侍郎兼奉天府府尹五年值車駕將幸盛京疏請御道因舊址勿闢新道裁革餽送扈從官員土儀禁從官妄拿車馬上嘉納之七年遷廣東巡撫調山東十年

擢兩江總督道光初以疾乞休賜三品卿銜四年卒居平慷慨論事高宗謂其有大臣風及居外任自欲有所表見屢以措施失當被黜然優於文學詞翰並美留心文獻充八旗通志總裁成白山詩介復增輯進御賜名熙朝雅頌集自著曰懷清齋集弟玉保字閻峯乾隆四十六年進士入翰林院有才名高宗親試八旗翰詹與兄鐵保並被擢時比以郊祁軾轍官至盛京兵部侍郎究心兵家川楚教匪起嘗願自効會上欲用為巡撫為和坤所阻鬱鬱卒年甫四十

清史列傳一百四十四

按前盛京兵部署內有榆五株玉保在任時曾作五榆歌一首兄鐵保和之皆自書懸之暖閣至今傳為軼事云

松筠 字湘浦瑪拉特氏蒙古正藍旗人繙譯生員迭超擢內閣

學士乾隆五十年命往庫倫治俄羅斯貿易事尋充辦事大臣召俄官會議定約親莅俄帳宴飲諭以恩信大悅服事歷八年然後定嘉慶四年授陝甘總督時教匪擾陝甘至則駐漢中治糧餉給諸軍命陳諸將優劣密疏言明亮知兵而罔實效恆瑞前戰湖北功最年近六旬精力大減慶成有勇無謀永保無謀無勇不能治兵並不能治民惟額勒登保德楞泰能辦賊仁宗深嘉納之授伊犁將軍未之任暫署湖廣總督請入覲面陳軍事七年擢伊犁將軍先是屢詔伊犁屯田皆以灌溉乏水未大興松筠力任其事比去任凡墾田六萬四千畝十七年命往盛京會勘陵工兼籌移駐宗室事疏言西廠大凌河東有可耕地三千頃續勘彰武臺邊門外迤西牧廠閒地並可移駐請先試

奉天通志 卷一百四十一 清
墾種詔並允行爲將軍晉昌奏罷論者惜之二十二年爲盛京將軍松筠素以忠諒見重在朝時凡燕游摯御之事乘間直言無避既屢忤旨以事迭降爲驍騎校仁宗崩宣宗步行於班寮中見之扶而哭翌日授副都御史尋又出爲盛京將軍數年之中兩召還朝爲左都御史至兵部尙書十年自以衰病請罷十二年復以頭品頂戴署正黃旗漢軍副都統命赴歸化城勘達爾漢茂明安土默特三部爭地據乾隆朝圖記判定三部皆悅服十四年以都統銜休致逾年卒年八十有二諡文清祀伊犁名宦祠生平廉直坦易脫略文法不隨時俯仰屢起屢蹶晚年益多挫折剛果不克如前實心爲國未嘗改也服膺宋儒亦喜談禪尤施惠貧民要以治邊功最多

清史傳一百二十九

富俊 字松巖卓特氏蒙古正黃旗人繙譯進士授禮部主事歷郎中累遷內閣蒙古侍讀學士內閣學士兼副都統嘉慶元年擢兵部侍郎充科布多參贊大臣四年授烏魯木齊都統調喀什噶爾歷葉爾羌烏里雅蘇台各參贊大臣詔署鑲紅旗漢軍都統兵部侍郎八年出爲吉林將軍調盛京清制民典旗地限年首官不首者治罪追典價租息入官富俊疏言一年之內一千六百餘案應追繳者不下萬人年久轉典株連繁多旗民多窮苦既獲罪又迫追呼情實可憫請悉寬免允之十二年考覈軍政以潔己奉公邊陲安輯特詔褒美予議敘十五年因採葭攙雜受屬員蔽褫職旣而言官論關東三省賭博風熾仁宗念富俊在官時曾嚴禁卽起授盛京工部侍郎兼管奉天府尹及

六邊邊門事務後歷黑龍江吉林將軍請辦吉林屯田親駐雙
城子分屯開墾二十二年調京盛疏陳雙城堡餘荒尚多續發
盛京吉林旗丁各千名往墾遂復調吉林任其事先到屯丁千
名盛京旗人多有親族偕來自願入屯惟隸寧古塔者因近地
亦可耕荒不願輕離鄉土聽其還以空額二百名改撥盛京二
十五年富俊巡歷各屯疏陳比屋環居安土樂業有井田遺風
中屯開墾在先麥苗暢發男耕婦饁俱極勤勞仁宗大悅報曰
滿洲故里佃田宅宅洵善事也道光元年疏言三屯開墾九萬
數千晌已著成效可移駐京旗三千戶請自道光四年始每歲
移駐二百戶給資裝車馬分起送屯官給房屋牛具報可二年
召授理藩院尙書與玉瀾堂十五老臣宴御製詩有勤勞三省

不凋松柏之褒四年復出爲吉林將軍復言伯都訥圍場荒地
二十餘萬晌募民屯墾較雙城堡費半功倍允之富俊年逾八
旬渥被優禮遇常朝免其入直迭讞獄盛京吉林俱稱旨十年
拜東閣大學士十四年卒帝悼惜稱其清慎公勤克盡厥職親

臨奠醮諡文誠入祀賢良祠

清史傳一百二十九

昇寅 字賓旭馬佳氏滿洲鑲黃旗人拔貢考授七品小京官嘉
慶五年舉人累遷員外郎改御史疏言學校爲人材根本請嚴
課程務實用戒奢靡又陳防禁考試八旗生懷挾冒替諸弊遷
副都御史二十一年授盛京禮部侍郎署盛京將軍後調回京
歷刑工兩部侍郎道光六年出爲熱河都統仕至禮部尙書命
赴湖南按事卒於途優詔賜卹稱其老成清介贈太子太保諡

勤直

清史列傳一百六十二

陳瀛 嘉慶二十二年授遼陽州知州在任十餘年清慎廉勤頗

多惠政

遼陽縣志

札郎阿 京旗人嘉慶間任鐵嶺縣事時學憲茹棻奏准頒行庫

書於各學署諭州縣建閣以崇之適重修文廟乃集士紳籌款

建尊經閣於學宮東並建奎星樓於城東南隅以興文化

鐵嶺縣志

徐之寬 字栗齋浙江桐廬人乙酉拔貢善書法嘉慶間知義州

事治尚嚴明取士得人所拔王旭齡方勳皆登賢書王除四川

榮經縣以清恪著方選棗強教諭訓士有方在官矢志清廉理

訟詳審勸農課士嘉惠人民迄今稱之

義縣志

劉大觀 字松嵐進士嘉慶十年任寧遠州知州聽斷如神無伏

不發既而訟庭草長與民無事乃振興書院開課衡文得士如

劉登泰潘紱麟吳景春朱孔揚唱學誠王元濤姚夢蘭諸人皆

文名冠一時州署西偏有隙地構退思草堂三楹為公餘讀書

之所製聯云袍笏呼來先拜石管絃揮去獨聽松著有玉磬山

房詩文集

興城縣志

彭浚 字寶臣湖南衡山縣人嘉慶乙丑進士廷試一甲一名嘉

道間兩任奉天府府丞兼學政按試錦郡講學論文務求根柢

以文章報國為己任任滿回京奉天士紳贈聯云名魁天下化

振陪都本壽考作人真教玉樹琪花陸離珊瑚兩度來游一塵

不染藉文章造福佇看蘭芽桂蘂次第瑤階

楹聯叢話

著有賜硯堂

文稿行世

錦縣志

陳廷桂 號夢湖和州人乾隆乙卯進士廷試二甲一名道光四年任奉天府府丞奉天為留都府丞兼提督學政不治地方事與順天府府丞異校士之暇日理書生舊業終任以老告休著有瀋陽于役記其餘著作甚多蕭穆撰

宗室奕顥 鑲藍旗人襲鎮國公歷至黑龍江將軍道光七年調盛京將軍九月奏拏獲越界偷打鹿茸犯得旨嘉許十一月奏墾田畝以資養贍又奏定私入圍場葭山罪纂入則例八年奏詳查邊外各卡情形分析駐守更換章程又劾兵部侍郎惠瑞點驗軍器隨帶家丁書吏騷擾地方請停兵部點驗十年褫職十六年由署尚書復署盛京將軍奏請邊內變賣木植價銀發商生息均分八旗津貼閒散學烏槍公費如所議行旋授兵部

尚書因事革公爵發往盛京効力二十年釋回授理藩院右侍

郎卒

著獻類
徵卿貳

裕泰 滿洲正紅旗人由官學生授內閣中書出為四川成綿龍

茂道歷四川湖南安徽按察使湖南陝西安徽布政使道光十

一年擢盛京刑部侍郎調工部兼管奉天府尹事查勘科爾沁

蒙荒地奏禁私墾十三年召授刑部侍郎尋出為貴州巡撫十

六年調湖南江西擢湖廣總督二十一年湖北崇陽逆匪鍾人

杰作亂裕泰馳駐咸寧檄兵進剿擒之二十九年李沅發倡亂

新寧命往督師與黔粵諸軍合擊沅發就擒咸豐元年調陝甘

入覲卒諡莊毅

清史列傳
百六十七

張長泰 湖南靖州人道光中兩任八面城照磨時草萊初闢百

政待興酌定官斗秤為商民交易之準建築太平橋以便交通

監修廟宇使民信仰神道藉以勸善前後在任十四年自道光

元年設治以來政教初張實由此始梁樹志

強上林 字杏齋江蘇溧陽進士道光十九年任海城知縣善決

獄二十七年調寧遠州知州務以德化惠及於民催科不事敲

扑而輸納恐後又重修城垣不勞於民捐廉購書藏之學宮時

州治西南煙台河北岸風沙壓田躬詣履勘勸民治河植樹患

遂除至今猶利賴之海城縣志

郎若曾 道光十九年任遼陽州知州才具敏練而性慈仁在任

八年遇有疑案悉心察訪務盡其情使無冤抑士民奉之如神

明卒後祀之城隍廟至今稱之遼陽縣志

金廷掄 字俊卿通州人道光壬辰鄉貢性安靜慈善課勵諸生

循循善誘任義州教職十餘年士子咸敬仰之卒於學署子鏡

芙舉人扶櫬歸葬門下士泣送之義縣志

張長庚 字少伯靖州人道光二十六年署義州吏目代攝州事

片言折獄百廢具舉可稱循吏署旁有公立德政碑義縣志

李聖贊 山東黃縣人舉人道光間任義州學正品端學粹多士

景從捐廉增修學宮功未竟卒於任義之文廟碑具詳其事墓

在邑西南沙河子東北子孫遂寄居焉義縣志

謝元暉 字旭亭直隸東安縣人嘉慶辛未進士道光之季任錦

州府教授學有根柢訓士有方文風為之一振卒於任遂家焉

子廷枚文庠生績學不仕次廷琨國學生勤於教讀孫登瀛工

繪事

錦縣志

董履坦 字澹園直隸豐潤人壬子舉人道光間繼李聖贊任克竟文廟之工其功為多在任數年以道義律身以真誠課士諸

生成荷陶成焉

義縣志

嚴正基 號仙舫溆浦人道光末年知復州事海濱患盜立併屯

保團法鉦鼓相應宵小震驚民賴以安旋以疾去官

宗稷撰墓志辰

周良卿 字雲峰貴州都勻縣人由拔貢中解元登進士授翰林

院庶吉士散館選知縣道光末莅錦州行政務持大體精聽斷

遇有爭訟立予解決先後兩莅錦州幾十年卒於任闔邑喧傳

其為本地城隍可見人心之敬服也

錦縣志

汪元方 字嘯菴浙江餘杭縣人道光癸巳進士由庶常散館授

編修咸豐辛酉任奉天府府丞兼提督學政秉公衡校不濫不遺適值拔貢屆期以為選拔乃登進之階局門考試內外間隔易啟胥吏家丁需索招搖之弊因嚴加約束所取皆寒素之士

任滿回京仕至左都御史

錦縣志

慶春 滿洲正黃旗人咸豐年簡授錦州副都統公正無私兵民

悅服同治乙丑義州馬賊王達作亂或誤言賊已至五里營城

市驚惶春出示曉諭軍民持以鎮靜訛言頓息升任福州將軍

督閩海關一年報効贏餘銀數萬兩一時人稱清廉子繼恩官

兵部員外郎光緒庚子聯軍入京闔門自焚事聞加等議卹

錦縣志

志

張廣 字次平順天寧河縣人由軍功保知縣咸豐年任錦州時

東北邊地年荒米貴盜賊蜂起匪目趙恆王達才寶善李鳳奎等各聚黨數百人義州朝陽左近距錦僅數十里皆為賊佔據多日蹂躪不堪廣則挑選丁壯百餘名親自教練無不一以當十巡城稽察事必躬親賊不敢犯闔境賴以保全積勞嘔血病幾不起平日愛民如子聽訟虛心諸多善政

錦縣志

鮑師釗 咸豐十一年署遼陽州知州剖斷明決吏不得欺

遼陽縣志

名宦

劉景醇 原名冕字伯馭江蘇武進人寄籍保定道光二十年庚子舉人咸豐四年由漢教習揀發奉天知縣歷遼陽蓋平復州所在以清廉自矢有青天之名同治四年署興京理事通判巨賊馬傻子沿邊肆擾廳治無城池僅圍以木棚同城有城守尉

一員騎兵二十名外委捕盜兵十餘名鮮能戰守景醇倡捐廉俸募獵戶百二十名命外委張鴻興領之守兩月餘賊益熾又請添募獵戶未准并以經費無著令遣散獵戶不得已僅留半數未幾賊大股薄柵外景醇督民勇六十人與賊格鬪兩晝夜不特將軍救援不至而城守尉以護陵為詞乘騎衝圍去九月二十九日城陷與外委張鴻興及家丁李升同死之事聞奉旨建立專祠入祀昭忠祠子某先以病歿媳李氏殉夫死

家傳 京縣

志

張鼎鏞 字芷升維揚真州人道光丙午舉人咸豐七年任海城知縣整飭他山書院月試給獎文風丕振縣試時有知名士劉克家臨時患病為改期以待之某生秋闈捷報至方堂訊罷喜

甚曰文章有定價也時營口未設官棍匪爭船腳聚衆械鬪乃親往曉以利害皆輸服有巨匪李本等淫兇不法偵知其匿旅邸夜督役往捕賊拒捕鼎鏞怒橫刀直入衆役隨之悉就擒斬於市同治元年授遼陽知州首倡文化時值多盜乃捐廉募勇覓線偵賊編查保甲五年春徐占一馬傻子等賊由海城界率衆數百來犯境鼎鏞露宿城上城中乏軍火令商民聚石城上以投賊賊退卻乘而擊之乃遁去平日聽訟明決賑災卹疾實惠在人後卒於省寓遼民赴省弔奠建祠州城三教堂東祀之額曰張公祠兄子雲蕃同治七年署州事光緒四年特授遼陽州知州前後凡四任民愛之如父母

海城縣志
遼陽縣志

倭仁 字良峯烏齊格里氏蒙古正紅旗人河南駐防道光九年

進士授編修歷遷大理寺卿文宗卽位應詔陳言上稱其切直因諭大小臣工進言以倭仁爲法未幾禮部侍郎曾國藩奏用人三策上復憶倭仁言手詔同褒勉焉尋充葉爾羌幫辦大臣咸豐二年復上敬陳治本一疏上謂其意在責難陳善尙無不合四年入直上書房授惇郡王讀五年任盛京禮部侍郎七年調戶部管奉天府尹事劾罷盛京副都統增慶兵部侍郎富呢雅杭阿召授都察院左都御史同治元年擢工部尙書兩宮皇太后以其老成端謹學問優長命授穆宗讀倭仁集古帝王事蹟及古今名臣奏議附說進之賜名啟心金鑑置弘德殿資講肄穆宗尤敬憚焉尋拜文淵閣大學士八年疏言大婚典禮宜崇節儉及武英殿災偕徐桐翁同龢疏請勤修聖德罷一切工

程以弭災變並嘉納之十年晉文華殿大學士以疾再乞休卒
 入祀賢良祠復經李鶴年請予河南省建立專祠諡文端著有
 遺書十三卷子福成江蘇鹽法道咸豐十年殉難寧國福裕奉
 天府府尹光緒庚子闔家死難清史傳一
百七十八
 福興 穆爾察氏滿洲正白旗人都統穆克登布曾孫以一品蔭
 生授三等侍衛出為直隸懷安路都司累擢督標中軍副將高
 州鎮總兵廣西提督署江寧將軍咸豐六年授西安將軍同治
 四年從尙書文祥會勦奉天馬賊戰大凌河北井子擒斬甚衆
 進援吉林迭破賊於張登望城岡署盛京將軍五年擒賊首馬
 傻子於黃旗堡誅之事平授察哈爾都統調綏遠城將軍六年
 舊傷發乞休光緒四年卒諡莊恪清史列傳
二百零四

額勒和布 字筱山覺爾察氏滿洲鑲藍旗人咸豐二年繙譯進

士同治三年授盛京戶部侍郎兼奉天府府尹初省東鳳巖旺
 讎邊門外開墾日多道光年卽有展邊之議至是何名慶等呈
 請升科乃會銜奏請派侍郎延煦出邊查勘始於近邊一帶准
 升科熟地五十餘萬畝後經將軍崇實奏請一律升科派員繩
 丈統計熟地一百八十萬三千餘畝又馬賊擾昌圖額勒和布
 遣隊迎擊開原賊遂潰散復請酌抽鹽釐充練兵費增設海防
 同知駐營口均議行尤盡力賑務尋署盛京將軍調察哈爾都
 統光緒三年因病乞休六年復起授都統歷尙書協辦大學士
 二十年卒諡文恭清史列傳二
百二十六

銘安 字鼎臣葉赫那拉氏內務府滿洲鑲黃旗人咸豐六年進

士授編修累遷內閣學士歷秦陵總兵倉場侍郎同治十三年
 調盛京刑部侍郎德宗續業充頒詔朝鮮正使光緒二年勘事
 吉林條上剿馬賊禁賭博設民官稽荒地數事上韙之命署將
 軍嚴治盜募獵戶為礮勇益練西丹步隊入山搜匪增置民官
 東北與俄接壤舊設卡倫無兵駐守乃築營伯力紅土崖雙城
 子守以重兵引疾去二十四年鄉舉重逢加太保卒年八十四

諡文肅

清史列傳
二百四十

任兆堅 字蕢臺山東高密縣人咸豐壬子進士同治年任奉天
 府府丞兼學政先是咸豐己未科充順天鄉試同考官所取錦
 縣舉人李賡雲鄭士鐸李官直隸有循聲鄭以大挑二等官元
 城縣教諭克盡厥職僉稱為知人及為學政門牆高峻絕苞苴

杜請託所取士皆鑿人心仕至鴻臚寺卿

錦縣志

張緒楷 字朗山河南商城縣人咸豐庚申進士學有根柢同治
 年任奉天府府丞兼學政試錦郡時終日坐堂皇食息於斯引
 進諸生察其微隱有真能讀書者輒加賞拔過出於有心者雖
 小必懲無心者雖大必宥所取皆知名士未及任滿以禮去官
 後陞通政司使

錦縣志

李文森 字樹楷任義州知州咸豐十年馬賊犯境乃舉辦團練
 修補城垣與城守尉金懷忠合力防堵復追賊至邊外艾林阜
 賊潰散義州賴以保全聽訟善斷民有青天之頌義縣南門外

有去思碑

義縣志

金懷忠 咸豐年間任義州城守尉管理三邊門事務時馬賊猖

獺與州牧李文森督同士紳劉福永李應時等補葺城垣晝夜

盤查調遣旗兵各守汛地馬賊聞風北竄城賴以安義縣志

崇光 字耀軒滿洲人道光間任鐵嶺縣事折獄如神民無冤枉

咸豐初任義州知州值大商咸豐當等聯號十四家荒閉銀價

驟漲每兩銀至市錢三十弔有零乃設法變通以現錢換憑帖

紙幣銀價漸平其聽訟隨訊隨結案無滯獄民無訟累沿河災地

逋賦請為豁銷免於追逋者且千家至今父老傳述猶感德焉

義縣志

劉汝新 道咸間以名進士知廣寧縣工書法能文章案牘之餘

與諸生講學論文娓娓不倦文翁治蜀不是過也性耽書雖走

卒下吏無弗應其遺墨至今猶有存者在官清廉嗣以虧款罷

官貧不能歸海城士紳聘主他山書院講席遂終老焉嘗有句

云片雲落照低時合一鳥遙天盡處飛可想見其風趣云

海盛 字仙州四川駐防旗人明決善聽斷一時有青天之目同

治初任開原縣知縣值馬賊徐占一嘯聚邑東柳罐巷大肆焚

掠海盛單車入賊營陳說百端卒使投誠就撫一邑獲安同治

四年調昌圖巨賊馬傻子等率衆佔據金家屯海盛親往撫之

遇害馬傻子聞其事謂如此官吏何忍害之乃將兇賊剖心祭

之地方哀其死為之建祠開原縣志事聞予祭葬世職東華錄

同吉 字象謙清宗室同治末為鳳凰城城守尉時賊匪宋三好

盤踞大東溝黨羽甚衆抽木斫葦墾荒諸利任意收釐居民不

得寧處爰兩次請兵擊走之東溝悉平居民感其德為立德政

碑於九連城

安東縣志

高同善 字雨人河南汲縣人咸豐庚申科會魁以戶部主事經
 奉天將軍調任奉天府治中同治十年署錦州府錦界蒙熱盜
 賊尤熾下車卽飭所部分投勦捕嚴諱匿之令捐廉懸賞懲勸
 兼施旋獲巨匪花蝴蝶等十餘名親鞫得實皆置之法錦縣差
 役素號強橫窩賭庇匪魚肉良民其尤橫者皆權俸官府藉案
 敲朴甚於盜賊同善廉得其罪不動聲色以計擒捕其尤者斃
 之杖下奸宄斂迹於是勸農桑以裕民食旌節孝以正人倫崇
 學校以振儒風又興修文廟宏獎人材治行卓著守郡二年各
 省大吏交章奏調計十餘年間一赴山東一赴吉林一赴烏魯
 木齊歷任將軍均倚之如左右手以一人而兼發審營務糧餉

文案總辦提調等差光緒十二年署昌圖府知府興利剔弊除
 暴安良一如任錦州時旋以積勞卒年六十吉林銘將軍安贈
 聯云一生不愧清勤慎三字能兼猷守爲可以概見其生平矣

錦縣志

文吉 字士林滿洲繙譯舉人由主事員外郎擢御史巡城有能
 吏名特簡錦州府知府治事勤懇不以威立名亦不以和徇物
 其莅書院愛才如命取士必得遇少年英俊輒面試焉有不率
 教者仍誨之諄諄以故士人敬而愛之又善書凡士之取前列
 者輒賜聯扇以獎掖之

錦縣志

福培 字樹之滿洲人同治十二年任義州知州勤求民瘼嘗微
 行察訪周知民隱除暴安良光緒七年再任置義地修文廟立

書院課士後之人文蔚起鄉會聯捷實由此始

義縣志

都興阿 字直夫郭爾貝氏滿洲鑲黃旗人同治四年任盛京將軍時文祥既平馬賊逋寇未盡都興阿令各城鄉長偵有賊匪卽行捆送佐以分汛官兵伺便進剿又以奉天武備不修創立捷勝營馬步洋槍刀矛礮隊躬督操練定陣法營規七年陞見赴京士民泣涕不忍其去有哭失聲者及再莅任務崇節儉又奏定奉天鹽捐章程在沿海地方試辦光緒元年馬賊擾錦州奏請將緝捕不力之營總等官懲辦又因金州逸犯高希珍航海逃遁其承緝之佐領奎山等均請分別懲處又奏上年十二月間邊匪宋三好率黨竄鳳凰城北井子本年正月韓把頭股匪由龍王廟亦回北井子奉諭卽派協領德印等會剿旋以勞

卒追贈太子太保銜予祭葬諡清愨地方公請建三賢祠與文

祥崇實合祀之

實錄備考

盛京典制
瀋陽縣志

崇實 字樸山完顏氏滿洲正白旗人道光庚戌進士入翰林累官成都將軍攝四川總督光緒元年調署盛京將軍時盛京五部分權至則奏陳奉省積弊請更定官制變通章程嚴懲賊吏偵探邊匪各事於是將軍兼兵部尚書都御史行總督事政令始一奏參戶部侍郎兼府尹志和府尹恭鏜均交部議處府幕同知黃慕憲革職遞籍全州副都統毓福候補通判宜崇額佐領春鐸分別懲辦吏治以肅三月兼署盛京戶部侍郎兼奉天府府尹歷奏請揀發知縣到奉委用並照熱河之例不拘滿漢派左寶貴等統帶八旗等隊刀矛隊改名長勝營禁民間私買

槍礮洋藥請直隸籌撥軍火酌給捷勝營津貼以錦州地方遼闊請添設洋槍隊又奏勦高希珍派陳濟清左寶貴分路進勦大東溝沙河子先後斃匪八百餘名生擒二百餘名陣斬高希珍擒宋三好正法邊匪之患以清二年正月奏邊外善後事宜增設府廳州縣稽稅課嚴督捕整練軍備政治一新七月勦平西北路哈拉套改匪徒林方等十月以勞卒上深悼惜有老成練達才識俱優命往奉天治理邊事盡心籌畫悉協機宜各諭加恩追贈太子少保賜祭葬諡文勤遼人感其德祀之三賢祠

德宗實錄
瀋陽縣志

崇厚 崇實弟光緒二年十月由兵部左侍郎調署盛京將軍兼管府尹事務奏通籌全局裁撤客兵添練綠旗各軍籌備餉需

並請飭南北洋撥給軍火尋以練軍未集請調直軍洋槍馬步三營並撥十二磅開花礮車六輛以防吉林金匪及各處馬賊請調候補府縣以資差委調教習並選熟悉教隊兵二十名以資教練三年正月改奉天同知為要缺由正途人員調補以昌圖幅員遼闊請升為府治添設廳縣教佐等官增廣文武學額添設捕盜官兵義州被災辦理賑卹並照例緩租以餉糈不足擬整頓船規貨釐又酌定清訟規制功過章程寬免延遲處分禁革命案場規五月以吉林積弊甚深奏擬調客兵以辦馬賊立重法以懲聚賭添民員讞局以清理詞訟查流民荒地分別升科各條亦屬目前要務九月邊外地畝丈竣臚陳籌議事宜新設州縣認地升科置買房地由府尹發照又鮮圍場開荒各

地請准升科十月遵議昌圖陞為府治擬設奉化廳通判改設知縣加理事同知銜並設典史訓導四年正月奏開原大清河試辦河運於英守屯等地分設卡倫稽征船稅昌圖同江子起征河稅三月奏請將東邊昌圖各官廉俸暨工食照數發給實銀升科地聽民間賣買隨時投稅莅奉一年七月多所設施著有盛京典制備考五月以派充出使俄國大臣去職陽實錄 縣志 潘

岐元 字子惠滿洲正紅旗人光緒元年御史張觀準奏奉吉馬

賊成患有旨派岐元同崇實前往查辦至則會奏奉省積弊請變通章程隨即親赴吉林視察四月署奉天府府尹轉盛京戶部侍郎十月署盛京將軍二年奏陳東邊善後事宜以邊地未靖添練馬隊五十名請將客隊練軍暫緩裁減又添設綠營練

軍復請撥款添防兵備器械七年裁馬隊客兵添練步兵一千五百名又以海防緊要奉令與宋慶會商訓練並與李鴻章會籌金州豫防事宜奏請將毅軍步三營調金州與北洋水師聯絡聲勢其餘六營分布熊岳蓋州居中策應有營兵離營聚賭立將該兵正法並將其管帶及千總革職發往新疆其整理軍務如是上諭謂岐元於兵事雖少閱歷辦事尚屬實心蓋以此耳當其時東邊新設治奏請先修懷仁通化二城及衙署暨監獄兵房估增銀兩以期久遠並估修大孤山巡檢署裁康家屯經歷添設知縣名曰康平縣並附設佐官又以奉天交代積壓太多請變通報部免扣例限並寬遷延處分圍場設官請酌定缺分補放於西府廳州縣承辦要差奏請以實銀核銷亦皆識

為政之大體焉至於賑義州等處之災銷右屯衛荒田之租賦
等事並有實惠及民七年六月入覲解任

德宗實錄

志和 字藹雲滿洲正藍旗人光緒元年任奉天府府尹署盛京
將軍時奉天馬賊未靖奏請擬辦團防行保甲嚴連坐之誅重
包庇之法開自新之路宥悔過之人得旨着崇實等實力舉行
以清盜源以高希珍巨匪擾亂邊境奏請嚴飭水師出口會剿
又以鳳凰城界邊匪逃竄出邊請飭隊堵剿有蒙古四等台吉
烏金保糾夥持槍行劫志和飭隊拏獲立時正法盜風少戢

德宗實錄

姚懷德 直隸練軍營參將候補副將光緒二年經盛京將軍崇
實調赴奉天練兵勦賊管帶長勝營步隊技勇嫻熟迭著戰功

復經將軍岐元奏准留奉辦防勦匪安民歷有成績平時馭下
廉明持躬勤樸所餘口分輒分給所部故士卒樂為之用所向
有功卒於任將軍崇綺優給賻資始得歸葬內閣學士尙賢奏

請附祀三賢祠

效忠堂奏稿

胡喜志 字雨亭江蘇六合人明胡武莊公大海之裔祖連英洪
楊之亂辦團有功賜三品銜禦賊瓜州陣亡家屬殉焉喜志僅
以身免少有武力日以擊射為事設石布陣頗合古法咸豐間
投左軍駐北口及天津等處以功陞游擊光緒九年調奉勦匪
緝獲朝陽莊三東溝宋占魁通溝宮四熱河方三元鐵法間之
神槍趙西來各著名匪首皆與有勞歷至簡放提督加志勇巴
圖魯歷任管帶統領督轅先鋒官奉委創辦同善堂十四十八

等年遼河災賑修橋梁造渡船被城垣濬河築隄一切公益勞瘁弗辭治軍與士卒同甘苦勦匪衛民功績卓著晚年退居瀋陽卒年八十餘葬福陵北山之陽子玉珍玉珉玉璞孫四人皆能世其家訪徵

穆圖善 字春巖那拉塔氏世居黑龍江齊齊哈爾隸滿洲鑲白旗初以驍騎校遷參領從征直魯豫晉所向有功援安徽迭克城隘賜號西林巴圖魯同治元年從多隆阿入陝遇粵寇陳德才敗之紫荆關擢西安副都統捻酋犯武關夜襲多軍穆圖善設伏敗之追入鄂境三年以薦命署欽差大臣擢荊州將軍光緒元年召署漢軍都統會吉林馬賊竄巴顏蘇蘇命權將軍捕治之十一年詔授欽差大臣會辦東三省練軍事明年以勞卒

於軍諡勇果子黑龍江安徽甘肅建祠蘭民且樹碑誌德焉清史

列傳二百四十一

崇綺 字文山蒙古正藍旗人擡入滿洲鑲黃旗同治乙丑進士授翰林院修撰歷官戶部侍郎至戶部尚書光緒七年授盛京將軍至則以整飭邊務振興文教澄清仕途為要務奏請揀發正途出身通同州縣以資差委八年奏朝鮮貿易宜嚴定限制申明禁令並有關奉天事宜應咨會酌定中國官員與彼往來礙難平行得旨據奏各節自係體察地方情形維持舊制起見又奏朝鮮通商聽民往來恐匪類溷迹應添兵稽查原設靖邊三營不敷分防查中江地方九連城形勢險便足資扼控擬添步兵一營駐紮並請派員會勘邊界就近設卡至於增兵需餉

則請抽大東溝載木之船捐沙河子載糧之船捐九年因錦州

戶口繁多奏請建學設官定額取士並添增廩額以廣文教錄實

慶裕 字蘭圃喜塔臘氏滿洲正白旗人以繙譯生員考取內閣

中書從文祥赴奉天勦匪光緒元年累擢奉天府尹九年除

盛京將軍明年法越構衅慶裕巡視沒溝營旅順口大連灣增

練蘇拉千人旗兵五百上言整頓旗營兼顧海防異日補旗兵

即可裁客兵之饒詔重嘉之朝鮮亂作檄提督黃仕林扼隘口

以營口為兵衝要地運石塞海口設電線達省城建議籌兵籌

饒機宜十一年安東十二州縣告災慶裕籌賑撫卹民獲甦是

秋淫雨遼河大凌河暴漲田禾被淹發倉以濟設粥廠牛莊田

莊台收養之明年金州旱蝗又明年興京水浸賑如初十九年

授熱河都統明年調福州將軍卒於官卹如制清史傳二 百四十四

富陞 滿洲正紅旗人光緒六年九月由山海關副都統調盛京

副都統有旨著卽迅赴新任將奉天海防及練兵事宜會商辦

理旋奏請挑選三省土著兵不論旗漢召募訓練設立陸軍及

裕餉選將製器各端條析頗詳經將軍岐元奏請刊發盛京副

都統會辦奉天海防練兵事宜關防富陞銳意整頓親自履勘

牛莊旅順沒溝營貔子窩各海口形勢繪圖貼說以進及富陞

去職後三省練兵事宜歸欽差大臣穆圖善各城副都統以下

均受節制錄實

王家璧 字孝鳳湖北武昌縣人道光甲辰進士曾佐曾國藩幕

與李瀚章陳士杰並稱碩德見李叔耘錄會正 公幕府寶僚記 洵升光祿少卿

光緒初任奉天府府丞兼學政上言奉省漸就又安吉江二省

近因徵調較多兵力稍單請飭撫綏整頓又奏請實缺人員歸

本任嚴定委署章程錄實奉天科舉夾字號人多額少乃請於朝

自己卯科得加額四名生平以文章為性命士子有片長必津

津樂道之由是人文益盛錦縣志

王志修 字脩虛光緒十五年任奉天軍糧同知時重修會典詔

各省繪進輿圖將軍裕祿委志修任編輯既以全書進呈復以

初繪大圖鐫之銅版益以圖說表校刊之名曰奉天全省輿地

圖說督學張英麟序其書頗稱之遼東文獻略

賀堦 字筱泉山東寧海人以謄錄授知縣光緒三年任海城縣

事重修他山書院添築文場講堂聘山長主講組織完備溫香

湖因淤田纏訟堦詳准撥歸書院收租又抽收繭稅斗捐以補

不足釐訂規條勒碑以防侵蝕在任三年境內肅然將卸任士

民赴省懇留格於例不允乃樹德政碑以表去思光緒十二年

任懷德縣事捐廉一千二百兩倡立書院嚴於治盜無枉縱民

間細故一訊即結民無訟累海城縣志

錢開震 字少如浙江仁和人光緒四年知奉化縣即今樹是為升

縣治之第一任修縣署作學宮一切規模皆出其手六年正月

舉行觀風考試文風一振士喜讀書人皆樂業自咸同以來馬

賊擾攘之區一變而為昇平絃誦之地時蒙古地局建議達爾

汗王請清丈增租開震力陳情形事遂寢邑人受惠不知也光

緒七年補授實缺勘設天一水會城內無火險之虞八年去任

九年復任十年捐廉勸修奉化縣志縣志

張錫蕃 字康侯江蘇陽湖人光緒五年任開原知縣下車清積

案禁陋規尤以振拔孤寒為務所取士如張自欽李芝雲等皆

寒士在任三年政無不舉至法庫糧捐一案至今猶稱頌之先

是法庫尚屬開原有孫襲昌者在省呈准包收糧捐並立石紀

其事籍端勒索商民稟請查辦錫蕃立命仆之轉詳大府其害

遂除光緒十一年授遼陽州知州聽斷明允一時翕然稱之十

三年復任遼陽卒於任開原縣志

楊桂年 字香巖以科甲任開原縣知縣下車即以振興文教為

務舊例縣試在冬日構蘆棚代文場北地嚴寒士子咸以為苦

乃謀建瓦房七間士皆樂之光緒六年以清理積案出力經將

軍岐元奏獎開原縣志

許之泰 字子山光緒三年授興京同知時廳署由老城移新賓

堡創修文廟建啓運書院優禮待士自此民間知令子弟讀書

之泰精書法墨跡尚有存者興京縣志

左寶貴 子冠廷山東費人以軍功累陞至副將光緒初尚書崇

實巡視奉天吉林奏調自隨既至斬高希珍於土門誅宋三好

於石礮子邊外東北廟溝金宮四構黨圖大舉復捕治之餘燼

悉平賜號鏗色巴圖魯記名提督復經崇厚奏稱材堪專闡請

記名簡放旋授高州鎮總兵仍留奉天平朝陽教匪賞黃馬褂

雙眼花翎駐瀋陽二十年朝鮮亂起日本進兵衛汝貴馬玉崑

豐陞阿各率所部往禦之寶貴自奉天來會是為四大軍慮海

道梗乃繞道自遼東行渡鴨綠江入平壤是時葉志超虛飾戰勝遂總統諸軍寶貴任城守未止舍日軍猝至寶貴與豐陞阿擊之敵退龍岡分道來攻時寶貴扼玄武門日軍大隊至礮散置山巔謀者以告寶貴若弗聞登城指揮中礮陪於是諸軍皆潰事聞贈太子少保諡忠壯子騎都尉兼一雲騎尉世職建祠奉天弟寶賢寶清先在直隸後在奉天勦匪陣亡清史傳二百四十八

永山 袁氏漢軍正白旗人黑龍江駐防吉林將軍明富阿子黑龍江將軍壽山弟以蔭授侍衛歸東三省練軍中日之役從依

克唐阿率黑龍江騎旅駐摩天嶺永山臨敵輒深入為士卒先

戰數有功既克龍灣乘勝渡草河規鳳凰依將軍策襲其城檄

永山為軍鋒壽山分率馬步隊攻之抵一面山距城八里張左

右翼各據一坡以待永山為右翼尤得地勢敵作散隊伍伍什

什冒死前進復以大隊橫衝左翼左翼潰右翼亦不支乃退永

山為殿遇伏連受槍傷洞胸踣復強起督戰大呼而逝事聞諡

壯愍祀昭忠祠清史傳二百四十七

延茂 杜氏內務府漢軍正白旗人同治二年進士光緒八年歷

至鴻臚寺少卿上言八旗官學廢弛宜變通章程八旗舉人請

准以六部筆帖式用分部之筆帖式仍准就揀大挑及中法構

衅疏言我國士夫多惜外勢請至今慎選使才令其考察彼國

政治利弊圖其山川夷險隨時奏聞又言將帥必知地利而後

可行師廟堂必知地利而後可馭將今宜北起盛京南踰嶺廣

合臺瓊為一氣復自漢粵邊外訖越南全境分繪兩圖更令諸

職官二十 官續四

奉天通志 卷一百四十一 職官二十 官續四

職官二十 官續四

職官二十 官續四

職官二十 官續四

疆臣各繪所轄地圖上測緯度下準方斜俾知相距里數爲軍事之用上聽其議十三年除奉天府府丞提督全省學政場規嚴肅諸生試卷親自評閱所取多名士越四年入爲大理寺少卿嗣擢吉林將軍整飭軍備澄清吏治頗著成績明年徵還再授黑龍江將軍未行而拳禍作聯軍入都偕弟延芝守安定門城陷闔室自焚死贈太子少保諡忠恪妻並諸姊妹女子皆獲旌

清史列傳二百五十五徵訪

張英麟 字振卿山東歷城人同治四年進士選庶吉士授編修十三年偕檢討王慶祺在弘德殿行走甫入直卽乞假歸省未幾穆宗崩慶祺以罪褫職衆皆嘉其志節歷典福建雲南鄉試遷祭酒充經筵講官光緒十七年以詹事授奉天府府丞兼學

政奉省士民樸素隨輅所至力加獎勸學風興起試士嚴衡校多取績學西狩回轡上言祖宗法制可整飭不可遽更張二十九年充會試副總裁晉都御史江春霖劾親貴被斥英麟率全臺合疏留之宣統改元復輪講之典英麟撰資治通鑑講章以進遜位詔下罷歸重宴鹿鳴加太保卒年八十有八

清史列傳二百二十八

李培元 字蘊齋河南祥符縣人同治戊辰進士光緒十七年授翰林院編修上書房行走歷官贊善司業中允洗馬右庶子加四品卿銜晉授侍讀學士二十年八月由詹事府少詹授奉天府府丞兼學政中日之役因軍械不足奏請製造擡槍及火藥以濟軍用又奏准軍不可用見敵愈怯擾民愈甚飛旗馬隊搶

掠淫暴宜撤回內地余濬陳忠偉等攬權怙勢培元奏證之事實參之輿論實有其事請旨懲辦以警官邪其秉公不阿如此至其取士間採文行弊絕風清從前考試拔貢場前每有人為之譽揚是科丁酉有某生文字皆佳教官特為表白云係某將軍之孫以此見疑黜之其防弊之嚴大率類此二十三年八月

調順天府府丞

徵訪冊實錄

徐慶璋 字嶼齋浙江山陰縣人初佐都興阿戎幕累保知縣歷任奉天寬甸蓋平義州晉興京同知所歷多善政嘗微行遇爭訟者輒判其曲直而遣之倡修養濟院收養貧民興俗春耕遲慶璋集村氓語以農時不可違之義民承其訓有早種一天早收十天之諺光緒二十年由興京廳調遼陽知州值中日戰省

東南各縣相繼失守僅遼陽為盛京門戶賴先事籌備募餉練鎮東營沿邊設防自遼陽而岫巖海城三千六百村士民編團數萬人以遼南吉洞峪徐珍為總練長勒以兵法日兵至慶璋語衆曰敵迫矣援師未集汝等自為計毋與我偕亡我死分也衆感奮請禦敵戰守歷五閱月長順依克唐阿方督戰皆倚以為重屢詔嘉獎是時州西連年水災募款賑濟全活甚衆平日為政寬猛兼施有徐青天之稱和議成擢甘肅慶陽府知府遷甘涼道積勞致疾卒於官

清史列傳遼陽興京縣志

唐敏 字哲臣漢軍正黃旗人光緒十年署東邊兵備道督理中

江稅務歷視沙河鎮查有落地稅病民累商後予裁革出示曉諭商民德之為立碑於天后宮

安東縣志

張雲祥 字集亭四川華陽人光緒元年奉委開辦安東二年置
 縣首蒞斯任時邊境初開民氣不靖爭訟者絡繹雲祥立為解
 決案無留牘民心帖服三年秋調懷德縣時地方馬賊初平縣
 治初設雲祥與民休息治盜嚴而不酷行政簡而不略文廟垣
 牆頽圯捐廉修繕八年有令將更代紳民赴省籲留得許前後
 在懷德七年士庶樂業民教相安安東縣志
 陳本植 字海珊四川合江縣舉人光緒初由直隸知府調奉辦
 理東邊善後事宜時陳濟清初平劇盜閭閻彫敝至則稟請開
 墾東邊置通化懷仁寬甸安東四縣招練三營分布駐紮以鎮
 餘匪改岫巖通判為州設興京鳳凰二廳請置道員統轄朝廷
 即以本植任之兼奉天全營翼長復請設學額修文廟建書院

創設牛痘留養等局民多霑惠九年卒邑人建遺愛碑鳳城縣志

名宦 章樾 字幼樵河南祥符縣人由湖北鄖縣知縣調奉委辦懷仁

墾務光緒三年到局經理墾殖事件極著勤勞旋委署懷仁縣
 知縣所有築城修署畫井升科不辭勞瘁六年補授實缺訊斷
 不用刑威反復推究得情而止每舉一事務順輿情若勸民種
 棉革除苛斂掩骼禁荒火修嶺道諸多善政桓仁縣志

宋慶 字祝三山東萊州人領毅軍同治六年與張曜扼黃河蹙
 捻匪復人衛畿輔轉戰雄任祁高間與諸軍大破之積功授提
 督光緒元年徙防旅順十餘年軍容稱盛醇親王奕譞巡閱歎
 為諸軍冠親解袍服贈之加太子少保尚書銜二十年中日失

和慶統毅軍發旅順與諸軍期會東邊九連城軍未集而平壤已失廷旨罷總統葉志超以慶代之慶與諸將行輩相若驟稟節度多不懌故諸軍七十餘營散漫無紀旅順圍急朝命聶士成守之救慶往援頓蓋平屢擣金州不得進而旅順已失乃退熊岳請治罪被宥慶凡五攻城弗能拔以三萬人駐營口扼遼河北岸二十四年徙守山海關和議成留豫軍三十營屬之賜名武衛左軍駐錦州二十八年卒晉封三等男子建祠諡忠勤

清史列傳二百四十七

依克唐阿 字堯山扎拉里氏滿洲鑲黃旗人吉林駐防以馬甲從征江南積功至佐領同治初馬賊陷伊通依斬其酋劉果發等又破之昌圖攻克劉家店復長春廳遷協領晉副都統補官

黑龍江光緒五年移呼蘭又改調琿春擢黑龍江將軍日朝戰起依克唐阿請率軍自效乃進咸鏡道繞赴漢城及左寶貴軍失利平壤日軍西進乃移駐九連城日軍渡江來攻依克唐阿與戰於蒲石河連克蒲石河古樓子宋軍退駐大高嶺依孤軍不能守遂退寬甸宋軍南援旅大聶士成接防定夾攻之約依軍由寬甸繞道賽馬集迎擊日軍先戰懸羊礮子連勝之通遠堡草河口日軍大集橫斷聶依兩軍聶軍亟趨分水嶺拊其背依軍還擊之又西而東大戰於金家河軍稍挫日軍先已占鳳凰城依軍謀襲之分左右翼以進戰一面山敵來爭左翼潰右翼統領永山遇伏死依保餘軍退詔革職圖後効踰歲海城陷遼西危急詔責長順守遼陽依助之發帑金五十萬及至議以

攻爲守集諸將置酒取刀刺臂血攪而飲之相矢以死依軍擬
攻海城會榮和至軍亟趣之出榮和先進北路奪三卡其左樹
木幽深令隱兵備抄襲而自列陣曠野伏槍以待日軍據山巔
轟擊彈落積雪中不發依軍還擊仆者衆再發再仆衆爭傍山
出伏槍具舉死以百數榮和所部募自韓邊外善避擊傷者恆
少所謂東山獵戶也是役以千人抗日軍數千故依軍聲譽遠
出諸軍上罷戰詔下日人將歸還遼東依力請三路分兵鎮攝
稱旨又條上練兵隊築礮臺造鐵路製槍械開礦產治團練六
事朝議以礦政尤要敕妥籌開採又明年授盛京將軍旣莅事
糾貪墨整營制晰分釐稅歲增餉銀數十萬復撤還金州奉軍
杜俄人藉口境內稱治二十五年卒諡誠勇予建祠榮和字育

堂二等侍衛官至副都統

清史列傳二百四十八

談廣慶

字雲浦廣州駐防隸漢軍鑲白旗以繙譯進士改知縣

歷官奉天府治中開原承德廣寧新民寧遠金州各廳縣清操
惠政二十年如一日士民稱爲談青天將軍慶裕奏稱治行第
一光緒甲午官金州同知日軍壓境廣慶登城守中流彈昏墜
兵士負之出及甦語左右曰非我志也衆皆泣下事定後長吏
以聞得減等坐軍台子國楫庶吉士伏闕願代父荷戈特旨赦
免廣慶性端嚴慈惠汲引後進如不及官治中時某知名士被
誣陷力予平反始獲免卒爲有清名臣復善書爲政績所掩得
其墨蹟人爭寶之

潘陽縣志

袁保齡

字子久甲三子以舉人中書保道員留直隸光緒八年

奉天通志 卷一百四十一 清
派赴奉天旅順口督海防工履勘沿海以旅順跨金州半島形
勝天然請濬淺灘展口門棚建船塢分築礮臺廣造庫廠設外
防於大連灣屯堅壘於南關嶺與威海各島遙為聲援遠馭朝
鮮近蔽遼海為海軍奧區規畫建築迭與提督宋慶丁汝昌臬
司周馥道員劉含芳等察勘妥籌次第興作其攔潮石壩仿栗
毓美石壩純用塊石護之親督洋匠土夫工作於冰雪風日中
植立壩上四十日一身兼數任其勞苦非常人所能耐十年李
鴻章出洋巡閱以旅順礮臺營壘堅固可守疏稱保齡督飭之
力十二年醇親王親閱旅順深以海防布置合宜保齡尤為得
力奏聞下部優敘十五年病卒於旅順防次照軍營積勞病故
例優卹贈內閣學士

章撰傳授

金熙保 字叔廉光緒十年任義州知州性渾厚而精明常語人
曰民間曲直閱原被呈即可得其大半矣其判決如神民無冤
抑又捐廉修衙署稟免相驗場規諭示禁革紅車積弊勒之石

詳見縣志

丁母憂去官今邑之南門外立有德政碑

義縣志

陳榮昌 字文風河南羅山人辛未進士光緒十三年補義州知
州淹通明斷教養有法為政務持大體尤崇學重儒每遇州考
親閱卷隨判優劣士人咸佩服之去任士民攀送如失慈母

義縣志

高暄陽 字樸菴江西彭澤縣人光緒二十五年任懷德縣知縣
勸民積穀創立社倉三十八所莅事廉明無敢欺蔽者閱一年

交卸

懷德縣志

常泰字階三姓劉氏金州旗籍光緒二十五年補中前所路記兼鑲藍旗佐領庚子拳匪之亂仁字軍解散常泰召所屬嚴防潰兵閱八月俄軍由秦皇島東進分掠各城至前所站軍民四逃常泰以身後事囑其子曰城果破爾等可逃余與爾母等當以身殉未幾商民向俄軍輸款得無事俄兵久不退盜賊蜂起錦州寧遠綏中前衛均被賊破勢將及前所乃集紳民會議自刺出資募勇二十人同商民登城固守賊知難犯相率去前所得以保全尋調任錦州以年老辭去軍民如失父母

縣志中

增祺字瑞堂伊拉里氏滿洲鑲白旗人密雲駐防以佐領調黑龍江佐練兵事歷至將軍光緒二十四年調福州兼署浙閩總督旋授盛京將軍奉天自中日戰後副都統榮和壽長編練仁

字育字兩軍營務廢弛增祺奏請派員查辦上命李秉衡往查奪二人職交部治罪軍紀肅然庚子拳匪亂副都統晉昌附和增祺不能沮遂啓戰衅俄兵入省城諸軍皆潰增祺奏請恭奉盛京大內尊藏聖容太廟冊寶出城俄兵至招之還商議善後增祺往旅順與俄議訂奉天交地暫約九條經部議革職仍留任二十八年交收東三省條約成俄始退洎日俄之戰朝議守中立增祺嚴飭文武官吏堅明約束並告兩國主兵者勿得犯中立日兵迫近省城乃亟勸俄軍先退日兵始入城省城得免戰禍三十年冬上諭賑撫難民發給內帑三十萬明年復發三十萬賑卹增祺招集流亡商民復業尤復留意吏治先後增設洮南海龍遼源開通靖安西安西豐等府縣凡牧廠圍場蒙荒

逐漸放墾奉省財政素絀徵權向少定章咸豐後始辦貨釐光緒初始辦鹽釐增祺銳意清理籌辦糧酒煙藥各稅明定章程變通鹽法就場徵稅歲入漸增尤嚴治盜以增官設治爲弭盜之方三十一年以憂免卒諡簡懿

清史傳二
百四十一

廷杰 字用賓瓜爾佳氏滿洲正白旗人光緒丙子科進士二十三年簡授奉天府府尹奉省中日戰後元氣未復到任卽整飭吏治矜善鋤強嚴訂捕盜清訟章程查禁買賣空銀皆得爲治大體尋轉直隸布政使二十九年奉命辦理西流水圍場墾荒事宜躬自赴圍監督勘丈積案數百起陸續訊結再任奉天府府尹署盛京將軍值日俄戰起嚴守中立收集離散賑卹災氓奏設學務處籌辦學堂並捐廉選送學生赴日本肄習武備後

卸任回京調熱河都統宣統元年授法部尙書卒於任

清史稿

趙爾巽 字次珊漢軍正藍旗人同治十三年進士授編修光緒八年改御史疏言醇親王不宜參預機務與盛昱錫鈞三疏同日上朝端屬曰兩江總督左宗棠應詔舉副都御史曾紀澤人材爾巽言三品京堂例不保舉以疆吏而舉風憲長官殊爲失體詔下吏議左奪俸歷陞湖南巡撫三十年詔入覲時日俄戰起垂詢東三省事宜對以外交兵備財政爲入手要著尋命署戶部尙書明年授盛京將軍兼東三省總督特諭破除常例整頓奉省地方一切事宜賜治裝銀五千兩盛京舊設五部侍郎治用旗制到任首請裁五部以將軍兼管並稽核三陵內務府事務裁府尹兼巡撫由總督經管酌汰旗官參用民吏奏設財

政總局整理稅收嚴杜中飽奉省向以費絀受協逾歲庫存至數百萬於牧民利病知之尤悉益公費而禁濫取吏治以清創警察廣學校籌辦畝捐以地方之款辦地方之事又陳通籌東省墾務辦法以勘辦蒙荒振興農政爲大端莅奉期年勵精圖治百廢俱舉朝命貝子載振尙書徐世昌來察治績卽以徐代督三省調爾巽四川總督宣統三年復命爲東三省總督革命事起東省新軍刻期舉事假託革黨者以議會爲窟穴合謀獨立爾巽力主保境安民先以恩義拊循舊部皆奮激用命及會議乃盡逐亂黨立保安會羣奉之爲會長當亂機四伏外交棘手獨能竭力殫精不遑寢饋鞠躬盡瘁數月如一日時各省皆擾奉獨宴如衆皆德之明年解組隱於青島清史館開聘爲總

裁卒年八十有四

訪徵

錫良 字清弼巴岳特氏蒙古鑲藍旗人同治十三年進士卽用知縣歷任至總督所至有惠政宣統元年授欽差大臣調東三省總督東省至日俄戰後局勢日危履任卽疏陳東三省逼邇京畿關係大局遼東租借之約十三年卽滿期請朝廷主持上下一心以天下全力赴之以贖回遼東半島爲歸否則枝枝節節恐不能及也疏入不省又以東三省非修大支幹路不足以貫串脈絡因擬修錦瓊鐵路適美國財團代表遊歷來奉與訂借款包修草約三日議定電請正式簽定乃部議梗緩竟報罷及日俄協約東事日棘又以救亡興政均非款莫辦再請商借二千萬兩以千萬設銀行其餘半以移民興墾半以開礦築路

仍不省錫良慮東省危急情形朝廷未悉乃請入覲面陳時醇親王監國籌備立憲廷議方注重集權錫良疏請實行憲法又請停派出洋考察並選親貴實行留學再疏陳中央集權為患實大均不報至是入都面陳監國語尤切直不省如故告罷又不允時以事勢益迫設立清鄉局籌預備巡警期年得數萬人未幾疫起俄境未浹旬延及三省錫良嚴為防治三月而疫絕十一國醫士來省考察開萬國鼠疫研究會於奉錫良主議咸起頌之督東三年嚴吏治肅軍制清理財政整頓鹽務籌辦八旗生計頗著成績唯日觀內憂外患日危一日所籌既不如志而朝政日非民心日去無可挽救屢稱病乞罷三年始允解任調理臥病六年卒諡文誠

清史傳一百三十六

張錫鑾 字今頗浙江錢塘人光緒中由知縣洊升東邊道癸卯

冬再任紳商歡迎之日俄戰起地當其衝維持中立民賴以安

三十三年丙午安東開辦商埠兼開埠局總辦創設海關議免

重徵商民稱便任滿升署度支司

安東縣志

吳震澤 字筱堂江蘇武進縣人鯁直廉介初以附生游幕山東

為巡撫李秉衡所倚畀及袁世凱繼任仍居幕府庚子匪亂贊

襄七省中立厥功尤偉由州牧擢至道員辦牙釐善後各局處

肥不潤不妄費公家一錢趙爾巽督奉調任奉天民政司使隱

襄籌邊大計清廷遜位力辭民政使挂冠而去袁世凱再三羅

致終不起杜門卻掃窮困以終

徵訪

周冕 字少逸浙江嘉善人候補知府辦理東征轉運局光緒二

十一年牛海失利敗軍咸集西北勾結土匪擾邊冕適駐錦聞警馳抵義州周覽巖疆擇隊扼要嚴辦土匪並將滋事害民之勇裁撤二營無敢譁者其初至義也護勇無多一日借他營兵五十名令巡夜密戒之此城東北西南尤宜加慎是夜果於西北缺獲二賊南街有火警幸有豫防無他變解嚴返錦事詳錦

縣志義賑碑記

義縣志

錢能訓 字幹丞浙江嘉善人光緒乙未進士觀政刑曹擢御史

徐世昌督東調充右參贊改官制行新政贊議頗多歷遷陝西

布政使護理巡撫入民國官至國務總理

徵訪

趙臣翼 字燕孫江蘇丹徒人進士以內閣中書改知縣歷海龍

錦鐵各州縣光緒二十四年任寧遠州事整頓柳城書院不遺

餘力每逢官課躬自衡文優給膏火奉省令以柳城書院故址創設集寧學堂招生研究科學二十六年俄兵入城闔城驚恐乃持以鎮靜守土不去商民賴以安堵適有匪徒販槍彈乘車至站洋兵查出立斃之遂疑城中藏匿奸宄知會駐山海關俄統領突來馬隊千餘臣翼聞信馳赴車站力辨其誣以一身為全城請命俄官不允持益堅乘間拔俄官佩刀將以頸血相濺俄官急扶持之服其誠禮而舍城去戒後毋侵掠城危復安三十年調鐵嶺日俄交惡嚴守中立倡設紅十字會尋擢度支司僉事遷興鳳兵備道奸民斂迹邊境救平移江西吉南贛寧道未之官居瀋陽卒遼東士庶稱頌弗衰子鵬第奉天縣知事頡

第候選知縣

與京縣志

史念祖 字繩之江蘇江都人幼穎異好兵家言入貲為通判從
喬松年軍解蒙城圍擒匪擾皖北念祖率師復英山克高圩計
出英翰於重圍數卻寇嘗坐堞上彈琵琶教士卒歌寇出視驚
異一日聞礮聲知援至乃令居民守陴別選銳卒四千分道夾
擊賊大潰歷遷至廣西巡撫光緒三十一年賞副都統銜命赴
奉天隨將軍趙爾巽治賑尋督三省鹽務及財政局奉省吏治
不飭冒憲黷貨念祖佐治力抉其弊蠲苛息煩歲入倍蓰期年
奏績上嘉之宣統二年卒 清史列傳 四百三十四

錢鏐 字紹雲江蘇陽湖人光緒壬午舉人光緒三十二年奉委
開辦安東及大東溝商埠明年署東邊道創立師範傳習所公
餘輒往以課師生之勤惰又設警察以衛商埠置市場以挽利
權募水師以防海盜百廢俱興商民悅服宣統元年再署興鳳
道創設水上警察維航業保江權至今賴之刊有歷史課本小
學模範等書 安東縣志

朱克揚 字北垣浙江蕭山縣人光緒中任寧遠州知州待民厚
刑罰寬曾出銀一千六百餘兩合東錢一萬緡發商生息為柳
城書院膏火費每值勘驗下鄉敝車羸馬祇攜僕從司書件作
各一人一切規費絲毫不取至今士民德之 興城縣志

張鶴齡 字筱圃江蘇陽湖人光緒三十三年任奉天提學使定
學制籌學款增學校規畫精密成績燦然學極淹博才尤聰敏
所有公牘一閱永無遺忘嘗接見全省各縣勸學總董歷詢各
縣學務應興應革事宜無不瞭如指掌卒於官士民惜之為勒

碑以作紀念 訪徵

張元奇 字貞午福建侯官人光緒丙戌進士以翰林遷御史三十三年徐世昌督東由湖南岳州知府調錦州時銳意改革定新官制奉吉江各設巡撫置參贊及民政交涉提學提法度支旗務等司巡警勸業道蒙務邊務督辦增府廳州縣擢元奇為民政司使整飭吏治嘗巡視各州縣趙爾巽錫良皆倚重焉在任頗久後復任巡按使改省長為政能持大體不苛擾官民皆稱頌之 家傳

吳鈞 字伯琴江西宜黃人進士由刑部主事改江南道監察御史調巡警部參議光緒末為奉天提法司使創辦審判檢察廳改新監獄各省司法獨立自奉天始遷浙江財政廳長 訪徵

張鳳臺 劉建封 鳳臺字鳴岐河南安陽人光緒乙未進士即用

知縣由直隸調奉充長白設治委員署長白府知府著有長白彙徵錄復任興京知府後遷至河南省長劉建封山東諸城人充安圖設治委員親歷長白山勒碑天池修天女廟著有長白山江岡志略 訪徵

李景祥 字炳甫浙江鄞縣人光緒乙未進士初涖廣寧延訪紳耆勤求民隱縣多盜陰倚豪右為護符景祥廉得其實悉寘諸法盜賊屏跡政暇輒提倡文化月課諸生手自校閱不以為疲邑東二十里鋪李張氏年十九被其翁姑考掠以死事將寢矣公微行迹而得之訊知其翁不仁卒蔽其辜而旌其婦且作烈婦詞一篇至今猶傳誦之庚子秋俄軍據省城乘勢而西風聲

鶴唳一夕數驚八月二十一日訛言益甚城內居民遷徙幾空
景祥開獄釋囚以靖內訌從容坐鎮以死自矢城賴以安辛丑
春俄兵入城託覓宿舍實行搜括人心洶洶變在頃刻有通事
孔某爲虎作倂勢張甚斬之以徇俄人爲之錯愕悉遵約束越
宿而去夏五月某日平明城門甫啓有渠魁率百餘人突入衛
隊悉逃避景祥獨坐堂皇厲聲曰若輩反耶卽下拜曰不敢特
來投誠耳請公巡視某効前驅出見市肆不驚秋毫無犯遂許
其請立遣之出蓋恐遲則生變也景祥豐軀偉幹貌森嚴懍懍
不可犯而慈祥豈弟令人可親甲辰正月卒於官商民罷市三
日向之受撫者悉衰絰哭臨邑人呈請大吏准付史館立傳

北縣志

北鎮

劉德全 字心齋光緒乙未進士性坦率不修邊幅人或以劉瘋
子呼之到任不以家累自隨無僣從親司炊爨與其甥某偕來
冬祇一裘甥舅恆易衣而出清貧如寒士每夙興無官場窳惰
之習晨起見儀門內人語嘈雜詢之曰守候納糧者時書吏尙
酣睡立促之起自是無敢晏起者市坊失火聞警躬往督警協
力救護火息乃罷大吏嘉其廉超遷以去至今稱廉吏焉

北縣志

潘德荃 字懋孫江蘇宜興人知通化縣十二年未嘗一至省城
趨謁大吏惟盡心撫字惠政頗多視士民如家人訟者嘗直達
臥室持己清廉衣食節儉衆稱之曰潘老頭卒于任因會計某
侵款致多虧累民感其德爲集資彌補之

徵訪

鄭錫華 字鳴岐四川成都人學問淵博光緒間知義州事勤政

愛民性端嚴人不敢干以私惟優待士子聚星書院官課親自批閱取前列者於應得膏火外出俸錢分別獎勵有差士多感之義縣志

黃毓森字芷靜河南光州進士光緒十二年到任勤政愛民首

以激厲文風爲己任爰定官課月試兩次親自評定甲乙於文藝較佳者極力裁成嚴加刪潤且自捐廉分別給獎自此奉化

今改

人文蔚起舉於鄉者八人皆其獎掖之力也黎樹志光緒二

十二年特授遼陽州知州聽斷詳審吏不能欺考試親自閱卷弊絕風清襄平書院月課循循然爲諸生童講解士林奉之爲

師焉

遼陽縣志

劉繼勳光緒十七年任奉化縣前任張瑞三首倡捐輸建修黎

城書院工未竣卸任去繼勳至踵成之並勸捐輸以備延聘山長及考課應需之費有餘款則發商生息光緒三十二年改辦學堂猶賴其餘資補助焉黎樹志

楊澍字慰三山西人丙戌進士光緒十九年任奉化縣知事時馬賊四起澍協同邑紳太史桂趙廷瑞等就地籌餉創辦團練請委邑庠生趙彙堂爲練長防捕兼施鄉閭賴以安堵是爲奉

化練勇之始

黎樹志

孫葆璋字幼毅福建侯官舉人初至奉充礦稅各局差繼權鹽課條陳數事畧謂東省以鹽筴爲收入大宗向附灘捐而行無定額宜仿劉晏成法嚴灘課任所之費省而權多如所議行鹽課多收至倍蓰通江口鐵嶺二處積糧最鉅向有期糧指糧賭

價以角勝負每起訟端官不能禁請由官設局抽捐國用裕商亦無苦歲增度支三十餘萬兩尋奏補洮南府知府值連年大水乃修河隄濬城渠免城基課賦緩熟地升科減稅契加價洮民咸被其澤扎薩克圖郡王烏泰負俄債盧布四十萬以該旗界內礦產鐵路牲畜抵押乃代請於大府奏由國家代償而以北山餘地放墾酬官帑並聲請蒙地為國家屬藩不得私貸外債著為令又俄人伯伯夫偕商人宮某以兵十人至洮揚言蒙地通商載在條約將設領事辦理交涉瑯葆駁之曰洮設民官不得以蒙地論且非商埠外人不得置兵設官俄員廢然去在洮六年輿情浹洽去之日紳民合詞借寇格於例不得請洮南縣志

高欽 字仲森河南衛輝汲縣人光緒二十三年知義州事整頓

地方振興文教凡有罰款撥歸書院二十五年票匪掠人勒贖俗謂之綁

票匪曰四起躬自督隊撲滅翌年拳匪起欽擒獲十餘名梟示義

境獨未受其擾秋間奉省軍府部院翼長皆避俄至義城惟學

院未離省時官兵不下萬餘欽安置有法未曾遭其凌虐未幾

俄隊到城有匪徒轟斃俄官一名欽感以義氣合邑人民均利

賴焉二十八年去任概卻餽遺南門遺有朝鞞一雙相傳清官去任留鞞

以作紀念南門外立有去思碑義縣志

王順存 字理堂河南商城舉人光緒二十六年五月知奉化縣

事時拳匪亂起知邪術不可恃力禁之拳匪有殺教民燒房宅

者悉杖斃之有奉字仁字軍擬焚教堂順存剴切勸阻不聽大

起衝突乃捕隊兵十四人重笞之教堂教民得無恙拳匪亂後

馬賊潰兵乘勢肆擾順存先事籌餉練兵躬親督飭擒斬嚴厲
莠民震懾地方宴然時俄築路華工失業流亡境內者千餘人
勢且爲匪乃因機應變察知工頭張某有侵吞工餉情事勒令
點名發放罰張某銀六千兩並集紳商募義捐修築城垣以工
代賑派士紳分段監工自往勘驗八月城工竣陞任去計莅任
三閱月惠政頗多旣紓難於一時復奠安於永久民到於今受
其賜焉縣志光緒二十七年任海城縣值拳亂後盜賊充斥接
篆卽整鄉團聯保甲凡著名巨盜悉捕誅每云嚴霜之後始見
青天縣西北境外爲匪淵藪自率勇深入迭經危險一日督勦
巨盜杜立山流彈穿跨下過進益厲匪披靡而遁順存持法嚴
有宗室保某俄人所招匪隊長也因縣境熱河台村有沈匪於

河者保某爲之復仇領俄隊焚掠其村殘酷尤甚於匪立向俄
人交涉將保某引渡一時函託紛紛皆當道要人屏弗閱卒寘
保某於法甲辰之役縣境適當其衝順存不避艱險爲民事執
理抗爭在任五年善政極多聽斷明決又深以國弱民疲爲恥
癸卯歲在城東大佛寺創設武備學堂時科舉未停已先改良
教育海邑之有學堂自此始海城縣志

馬俊顯 字積卿吉林伊通州庠生光緒二十七年署遼陽州事
值庚子亂後前知州楊昌瀚設立善後局延士紳朱集成胡魁
福張德倫趙祖昌等董其事俊顯到任與諸紳和衷商辦地方
賴以保安惟盜匪餘燄未息除南路吉洞峪東北路半拉山子
等處鄉團外其東西北各路團局多係招撫降隊丁多餉少勢

難供給乃勦撫兼施擒獲盜匪立即正法匪患遂清三十二年任蓋平縣知縣到任清理積案洞悉民間利弊先是城東南三道溝道士華合盛著名土痞也率眾抗捐俊顯乃嚴捕首惡華道士聞風先遁遂將其廟產掃數歸公藉充學校經費期年學校設百七十餘處學生八千餘名三十三年轉調興京為地方興利除弊改變科房班役折減畝捐以紓民困復創立鄉學百二十餘處民政使張元奇巡視東邊各縣嘉其賢能遼陽蓋平興京縣志鮮俊英字華甫回籍廩生遼陽雲舉人光緒二十六年八月到任時增留守出省人言浮動文報不通土匪潰兵縱橫各地俊英相機宜著方畧首急王前任築城未竟之功嗣有股匪小閻王率黨攻城俊英戎服登陴督飭兵勇嚴防兩晝夜匪始退是年

冬收編降隊胡顯廷等為義勝營分駐榆樹台小城子喇嘛甸各鎮又在縣城操練團勇名為警察使相輔鎮壓四境以安商民感其德為建碑於廳事之右文曰懷德威畏遼陽縣志光緒甲辰正月攝遼陽州篆與俄人交涉退還州署並償修理費若干乃重修衙署頓改舊觀冬十月卸任丙午歲奉檄推廣遼陽鄉鎮巡警就保甲改組從前所招撫馬步各保丁限定額數分別裁遣畫為東南西北中五路以士紳主其事尋復署州事案無留牘民有訟聲紳民咸樂附焉遼陽縣志李應紫字秀峰甘肅臯蘭人進士光緒時兩任鐵嶺縣事慈惠教民案無冤獄鐵嶺縣志孫長青字紹卿光緒二十八年由海龍廳通判調興京廳同知

秋八月雨雪禾稼歉收民苦乏食乃力請大府解除閉糴之禁
 又復籌貸措賑以活飢民先年海龍有秋民感其德咸云孫公
 莅興不幸丁年荒不忍斯民飢死輸糧往濟車馬屬道民賴以
 生三十一年日俄構兵興邑當其衝長青嚴守中立民無所累
 是秋倡辦學校警察諸新政明年夏去任百姓遮道不忍其去

興京縣志

廖彭 字籛如黃州都勻獨山州人光緒三十一年正月初九日
 任懷德事初五日有日兵轟毀二站東鐵路橋俄人遷怒於地
 方官擄之去及見彼達官得白當見俄官時侃侃抗論毫無餒
 色俄兵欲下鄉買車馬號糧草彭皆力阻之令鄉牌代購民得
 以安尤足稱者通事藉俄軍勢力訛索最甚彭誅李通事而漢

奸斂迹俄兵退盜賊起復誅張四馬棒而降隊懾服在任年餘

交卸去

懷德縣志

管鳳蘇 字洛笙江蘇武進人光緒三十一年春由北洋調奉委
 署海城縣事下車首重教育將王前任所招之武備學生改爲
 三年簡易師範又設師範傳習所爲三月速成班創立兩等小
 學校女小學校甫一年城鄉組成小學三百七十處又奉文改
 保甲爲巡警劃分十九區擇要設防而以總局統之改修衙署
 及習藝所城內厝石山天然形勝闢爲公園以供遊覽性復勤
 敏早作晏息剖案如流村會人等因新政晉謁隨時接見加以
 勸勉故人樂爲用而事就理在任三年以卓異晉職去官

海城縣志

陶鶴章 字守芝光緒三十二年冬知奉化縣事

今

樹整頓警政

立巡警總局設總董管轄四鄉分局經理收捐發餉事宜是為
斯邑起徵畝捐之始並接崇前任創立師範傳習所又設衛生
局商務會市面佈置路燈諸凡建設煥然改觀黎邑新政之推
行實自此光大之

黎樹
縣志

陳嘉言 字嘯清安徽廩生光緒三十二年知奉化縣事熱心新
政事必躬親首改房班剔除積弊官民耳目一新尤復關心民
瘼日坐堂皇聽訟無倦學務方萌芽銳意提倡為籌學款續辦
師範傳習以儲教材立勸學所教育會宣講所公餘親蒞講演
以促學務之進行未匝月城鄉成立模範小學校二十餘處並
改良私塾隨時勸導學風為之一變至於設罪犯習藝所飭各
區辦堡防猶其餘事黎邑新政發展推首功焉

黎樹
縣志

陳藝 字漱六江蘇宜興人性狷而和為政識大體光緒二十三
年春知海城縣始視事恂恂如不及訊案有明鑑剖決精當值
初變法前任舉行諸新政繼續擴充不尙操切而事無不理縣
境虎獍屯西至三家子七十餘里河道淤塞每值山水暴發下
游各村盡成澤國乃呈准疏濬築隄水患遂息又築橋以便交
通居民至今德之城外東南隅有水一渠四時不涸植荷其中
去後花彌茂每當花盛時游人如織皆曰為陳公遺愛比之甘
棠焉在任未久無赫赫聲而民陰受其福

海城
縣志

陶應潤 朝陽縣人監生原籍浙江會稽初署義州吏目有能聲
光緒三十二年知州事甫下車即諭繼成馬前任顯俊之鄉土志
年七十餘精神尚健每出輒乘馬卸任卒於邑其子進士陶恩

榮扶柩歸里

義縣志

陳衍庶 字錫蕃安徽懷寧人光緒二十三年知懷德縣事甲午

之後馬賊又蠢動乃辦團練設練營分駐四鎮得寓兵於農之

法因此匪人絕跡境內以安翌年卸任

懷德縣志

蔣文熙 字元甫熱河人光緒三十二年錦西設治經營籌畫煞

費苦心又值舉行新政辦警辦學與地方人士相提攜頗收成

效在任一年政績斐然以足疾去任

錦西縣志

慕昌治 字平甫山東福山人光緒三十三年任懷德知縣自高

任立社倉後經拳匪之亂日俄之戰社倉日見廢弛治昌蒞任

適值亢旱乃認真整頓善政復舉

懷德縣志

汝作枚 字次臯陝西富平人進士候補直隸州知州調署義州

值清季銳行新政極力提倡自治去任紳商為立德政碑在農

業試驗場

義縣志

性耿介不避權勢任錦西時政平訟理輿論翕

然去任時邑人送至郊外曾脫鞵以留紀念焉

錦西縣志

孫自鎔 字伯髯四川人性謹飭富於經驗莅任時值錢法毛荒

百物騰貴商民苦之乃從邑紳齊庚雲之請排除萬難極力改

革毛帖而金融始得整頓復熱心教育時親赴鄉村勸導提倡

學風為之一振

錦西縣志

戴章勳 字亦雲直隸寧河縣拔貢性溫雅無疾言遽色有儒吏

風光緒三十四年秋知奉化縣事到任設警察教練所自治研

究所舉辦鄉防實行禁煙凡所措施政不煩而民不擾尤善書

與其父彬元先後媿美縣署東西轅門之額即其所書邑人至

今珍之

縣志

薛德履 字仲和直隸獲鹿人宣統元年由山西知州奏調委為

輝南設治委員翌年授輝南同知廳境東西鄰濛江久為盜藪

乃督練巡警豫警防勦並施未半年羣盜遠遁遂招徠墾戶創

興學校捐廉購書以餉學子每逢節序輒延鄉間父老集於公

庭詢問疾苦諄諄告誡以孝悌教其子弟三年春以勞致疾辭

職去百姓攀轅遮道遠送三十餘里至輝發江上不忍別云

輝南

縣志

史紀常 字曜五江蘇武進舉人宣統元年任遼陽州知州前任

何厚琦首創學校接篆後即極力擴充學校增多一倍二年五

月改組衙署裁班房革積弊政治聿新三年亂黨潛伏鐵路附

屬地結股匪踞龍王廟約期破城紀常密電省署派兵星夜赴

遼一舉撲滅市井以安遼西北水災捐廉募款加意賑卹未幾

調省全城紳民恭送依依不忍去嗣後歷政務廳遼瀋道交涉

署長卒喪歸中外傾城走送執紼者數里云

遼陽縣志

都林布 字雲卿京兆人宣統元年八月任興京府事勤聽斷黜

奢華時值啓運學校款絀乃自捐廉千兩助之是年冬以引見

去任

興京縣志

劉玉林 字崑圃直隸武清舉人同治初連任鐵嶺縣訓導設帳

授學門多桃李提倡書院主齋課實行月試捐廉獎掖光緒間

重游泮水

鐵嶺縣志

陳階 字堯風直隸安州人已卯舉人任義州學正課士嚴明獎

掖有方當時諸生如李鶴年馬芳田類皆受知後俱登科第選
詞林道光己酉闈學恭送匾額曰師嚴道重至今猶存義縣志

陳陽春 字熙臺直隸唐山人同治庚午鄉魁光緒六年補義州
學正品行端方學問淵博培植人才多所成就在任十數年士
子深荷陶鎔進士王炳章舉人薛俊升拔貢李芝齡皆師事之

義縣志

鹿名世 字景充定興舉人任鐵嶺縣訓導主書院齋課銀岡書

院有名世捐存書籍

鐵嶺縣志

姜有筠 字竹菴直隸東光人戊午經魁光緒十七年官義州學

正品端學粹教導有方升光祿寺署正未之任卒於學署義縣志

潘增綬 拔貢舉人光緒間任義州學正秉性純正言笑不苟敦

品勵行以古聖賢相期許道貌岸然望而知為純粹儒者同上

陳宗懋 字子櫝直隸冀州人廩貢生授金州訓導光緒三十一年
署義州學正值停科舉興學校宗懋極力提倡考選奉天師
範多名皆成教材義境學堂初立略具規模其輔翼之力居多

同上

奉恩 字錫三遼陽滿洲人廩貢生宣統元年選義州學正性行
純篤學問淵宏時邑城內立師範補習科聘為監學認真督課
管理有方不刻而肅未幾裁缺旋里同上

營里育衣不暇而無未幾錄補里所成表在任十載年十
 轉兼學問賦雲山邑知內宣順節督採部欲溫學歸真晉
 奉恩 字駿三遼國滿州人稟貢主宣赫元平毀義州學五封百
 應順世 字維新定興縣人任職滿州府學正書院書院
 滿冬各營別錄林義學堂時立湖具賦對其神覽之代思冬
 平署義州學正前督採舉興學對宗想海成其出恭毀奉天順
 刺宗想 字子前直隸英州人稟貢主對金州應舉次滿三十一
 奉天通志卷一百四十一 補遺 崇德皇帝面賦為歸林語答賦

843
 31

